

贛州府志卷七十三

藝文志

文

國朝

謝肇清

字憲民號渭渠信豐人黃梅知縣

答潘明府書

奉書辱詢政理往復懇切類非今之長人者之志士習民風外尤以力除積弊為大任甚盛甚盛夫弊之大者在害民民戴官如父母官撫民如子交相愛而害於何有竊思民受害莫甚於役吏次之丁又次之蓋充役者皆無賴惡



少桀黠不安隴畝之徒內假丁威外倚吏勢肆其饕餮若
虎狼然其爲民害可勝言哉官一邑者察數丁察數十吏
尙恐智力不足乃行一事卽藉手於衆虎狼安能分身百
億隨虎狼入閭閻乎縣官所以難治實由於此丁擅威福
去之可也吏舞文法革之可也而役則去之革之其復有
者猶虎狼也官從何而治之昔司馬溫公盡革王介甫新
法蘇長公斷斷言雇役之法不可革人謂蘇駁歷中外通
曉民情而溫公稍木彊不知溫公所見深蘓所見淺蘇之
謀止一時而溫公憂在萬世不可同年而語惜溫公深悉
其害而言謫訥然不能舉以曉大蘇遂成疑案今欲治彼

無他良法惟使民得見官不許役從中壅遏而已行檄某
犯聽審定期在十日以內永爲例檄行犯集隨判而隨銷
之卽行審結任役需索吾民不出十日之期則所費有限
且枝節不多初情未改訊斷亦易民知十日之必結也又
何畏乎役而賄之此法一立而役無所操縱矣其積蠹大
猶筋骨皆習鍊之餘有罪法當杖四十而以二十當之使
其難受更甚於四十咸知二十之委頓如此也况四十耶
乃慄慄乎懼心生而惡念除此嚴刑以懲之也寸兒通達
治體於古今名人緒論聞之熟矣故參述舊聞不敢以臆
說進然信邑之弊有可悉數者他人揣所樂聞不盡以實

告清誼叨蘭譜迭承手教不敢不直陳之大抵役之害民一在命案株連官相驗則著名虎差皆乘輿下鄉擇懦而噬凡冤手之本家殷實者悉遭其毒一在私押班房凡涉訟者到縣不先厚賄之則擒入班房鎖押有久不得見官面者一在勾串約保買囑平民發人陰私首姦首賄及告白契掌業等詞恐嚇鄉氓訛詐分贓一在用各堡屯差作線索地方偶有路斃及投河自縊小忿互毆等事業經鄉保揜埋族隣處釋不願與訟者屯差飛信與其老帥勒令約保上城呈報因而屯差經手厚賄虎差始得寢事此四端者現今蠹役之大弊夫民非盡無良也不幸而呈報命案亦惟恨其仇家已耳鄉約保正非無馴謹畏罪者也至派守班房赴鄉收租之役皆散役中之椎魯無能爲者也今赫赫有名之頭役從而簸弄提掇教導以喝於其間勢必尤而效之安係他日不報命案則板累無辜守班房則凌虐罪人乎安係他日約保之無良者不教唆詞訟魚肉鄉鄰乎安係他日屯差之黠者不借事生風作弄農佃且花用既慣虧空官項乎是皆蠹役之貪噬有以啟之也惟其然故民視役若仇敵恨役入骨髓數年後毆差之人不一拒捕之案滋多可知而知也春間清偕二三同人晉謁琴軒目擊申明亭外若輩躡蹠高談揚揚得意旁若無人

不惟勢壓富民恐將來必有凌辱紳士之禍可爲寒心懷
此欲陳久矣恐未信則以爲謗幸辱手示外間衆口洶洶
情形藉以上聞治之之法非奪其權使不得肆許民見官
得訴其情則操縱自如毫無忌憚虎狼之性未可馴也且
其串通胥吏賄賂門丁恣其講張偏能熒惑官聽一經任
用深信不疑昔人所謂如惜支體不肯割截者護役之
比比如是

海 成 江西巡撫

定南縣改廳疏

吏部等部咨開文選司案呈內閣抄出江西巡撫海等奏
前事等因乾隆三十八年五月初六日奉

硃批該部議奏欽此議得江西巡撫海等奏稱竊照地方
有險易之不同繁簡有今昔之各異若地處巖疆非卑官
所能威懾必須量爲變通方能有濟茲查贛州府屬之定
南縣離郡城四百餘里坐落萬山之中界聯江廣六邑額
徵地丁一千餘兩而幅幘縱橫二百餘里複嶺重岡實屬
山多田少俗悍民刁兼之廣東無籍窮民來此墾種異籍
環處日漸繁劇今非昔比且山路深雜更易匿匪藏奸該
縣係難字簡缺部選之員多係初登仕籍而巖疆獷悍刁
蠻實難望其治理查江西蓮花廳卽係因其繁劇移設廳

員以爲控制因有廳員不惟體制優崇可以懾服巖壩而
且歷任洊陞之員究非初任之縣令可比擇其精明強幹
之員以之治理自能轉蠻野爲馴良并可查異籍墾田之
賦役庶於地方有裨查贛州府設有同知通判各一員均
與知府同城同知管理捕務水利他無專責實屬閒曹若
將定南縣知縣裁汰將贛州同知移駐改爲定南廳於險
要地方可收治效洵爲兩便爲此恭摺會奏如蒙

聖恩允准請將定南廳作爲繁疲難三項相兼要缺在外
揀選陞調該縣地方刑名錢穀一切案件悉歸該同知管
理照依蓮花廳章程由府核轉所有原設定南縣知縣養
廉銀八百兩卽令該同知支食其典史一缺改爲定南廳
照磨管理捕務監獄所屬巡檢訓導併入學名數悉仍其
舊縣役改爲廳役典史書役改爲照磨書役工食照舊支
給至該同知原管捕務水利歸併贛州府通判管理原設
同知養廉及書吏衙役各工食俱行裁汰衙署估變充公
所有贛州府通判關防增入捕務水利字樣并新設定南
廳同知關防應請一同改鑄頒給其原領同知通判關防
及定南縣印信一併繳銷至定南縣典史現在空缺所有
裁缺知縣張輝斗應否留江候補及現任贛州府同知戴
宏度是否堪勝新改要缺之處統候部覆至日再行辦理

合併陳明等因前來應如該撫等所請定南縣知縣典史各缺准其裁汰將贛州府同知移駐改爲定南廳同知該縣地方一切刑名錢穀案件悉歸該同知管理由府核轉其原設該縣養廉銀兩亦應如該撫等所請卽令該同知支食仍於養廉冊內分晰造報定南縣典史改爲定南廳照磨管理捕務監獄所屬巡檢訓導并文武學額應仍循其舊縣役准其改爲廳役典史書役准其改爲照磨書役仍接算五年後滿照例考職所有工食銀兩仍准其照舊支結卽於該省俸工冊內存留項下聲明造報以便查核贛州府同知旣經移駐所有該同知原管捕務水利准其歸併贛州府通判管理至裁汰原設同知養廉及書役等役各工食銀兩應令該撫造入該省地丁耗羨各奏銷案內分晰開造咨報戶部查核所遺同知衙署應令該撫轉飭據實確估造具變價冊結分別奏咨辦理贛州府通判關防增入捕務水利字樣并新設定南廳同知關防俟命下之日吏部行文令該撫等擬定字樣造冊送部兼寫清漢移咨禮部照例改鑄頒發其贛州府同知通判原領關防俟新關防頒發到日同定南縣印信一併咨送禮部銷燬移駐定南縣同知准其定爲繁疲難要缺令該督撫照例揀選題補至定南縣典史臣部於乾隆三十八年月

章少府志 卷之十三
分將員缺咨補有人扣除另補之候選未入流朱棠擬選業經具題奉

旨發給文憑尙未赴任今員缺既經議裁文憑現據該員呈繳到部應將該員扣除歸入月分另行銓補外其定南縣裁缺知縣張輝斗應令該撫等轉飭交代清楚給咨赴部另補現在贛州府同知戴宏度是否能勝新移之任并定南廳新設照磨應否在外揀調抑或歸部銓選及一切裁改事宜有需另行著議之處統俟該撫等逐一詳查妥議分別題咨到日再行辦理等因

多 綸 字笠洲 滿洲人 禮部左侍郎

胡氏族譜序

譜者譜其所見與其所可知者而已譜其所見與所知者或始遷祖或始初封受爵之祖其前乎此者闕而不書可也且爲我同祖則書爲同宗則書否則雖公卿將相同乎此而未知其果同乎此者闕而不書可也今胡氏之載在史冊者名臣理學彪彪炳炳尙已而是譜也但溯其始遷之祖與其所自出非真知灼見者不以錄豈惟得古人譜牒之意抑亦其族人之質直真切各安於其分無願乎其外以無遺辱於先人無加於長上可知也樸崖其益以余言爲族與里勉之矣

羅有高 字臺山瑞金人

鄧白軒先生遺集序

有高弱冠時慕馬周張齊賢之爲人也伏而治賈太傅陸
宣公之書旁及兵政河渠天官測量諸雜說跡弛甚晚
儒冠者謂不足用於世旣聞雩都宋道原有迂解聲欲一
見之而無因太守試雩日則五鼓起走太守轅下索得之
問寓處而別已訪道原開口自吐其所畜道原愀然以爲
非儒者當然之急也則述范文正語橫渠張子之語以箴
之且介以謁其父執鄧慕濂先生先生溫溫弱弱未嘗多
言說飲人以和余旣退而嗒然若自喪也其後再見先生
於南昌先生問新功無以答流汗浹面背他客來罷去不
及聞先生告語而先生遽歸贛余亦自此南走閩北出遊
吳越燕趙不與先生相聞者七八年然先生每見道原必
詢余學業進退緣之爲憂喜及余自燕中歸而先生歿已
三年今歲秋余過道原賴溪道原出先生遺集共讀之肅
然以興凍息而自慚蓋余之志歧於文字嬉遊之末困阻
於患難而不能強也久矣此先生之所深痛也先生措辭
簡樸論學者隱微沈痼之病若定水燭癥亦以爲余而發
者韻言理致瑩徹可書而誦也余旣竟業因次其得校先
生遺集之由負慙而書其端

宋華國 字立崖 雋都人 彭澤縣教諭 立崖先生集

黃孝子傳

孝子姓黃諱期林字星如雋都北鄉之農人也嘗讀四子書未卒業幼失母事父甚謹孝子負薪入市鬻得錢卽市餅餌歸啗父冬日黎明起省父取父衣被體俟衣暖卽解以衣父父愛之旣而父死旣葬矣孝子於墓側穴山而處覆以茅穴低俯而後入以石爲枕累磚爲饌具山距孝子家十里許地故荒僻樹木陰翳蛇虎出入所經夜嘗有鬼號哭聲而孝子一人獨臥起弗怖也三年畢族人迎之歸髮長已尺許矣縣令聞之將上其事請 旌焉

宋子曰嗚呼喪禮不講久矣孝子以一老農夫固能如是卽此見良心之在人先王所以制禮以爲之節也余嘗徒步十數里訪孝子孝子髮鬢鬆被面面黧黑客至則長跪伏地掖之然後起余自省居先人喪無人狀見孝子若有以發其罪者能無愧歟能無懼歟

貞女宋門謝氏徵詩文啟

貞女名順姑雋都謝禮紳之女宋惟繡之妻從兄湖南武岡州州同敬亭之子婦也貞女年十歲歸惟繡年七歲明年冬繡瘍於痘貞女哭之慟夢繡以針刺其手哭而醒以夢告其舅姑舅曰子者守也針者貞也其警爾以守貞之

義乎貞女聞之泣然曰兒知勉矣遂矢志守貞自是衣服簪履皆從素日惟侍姑側足不履中堂年二十卽思爲夫立後請於兄公惟縉以其子珠兒爲嗣甫一歲殤貞女志益堅越二歲又撫縉子有煇爲嗣貞女性柔靜寡笑言事舅姑孝謹姑老多病貞女朝夕奉湯藥經年不懈姑賴以安嘗稱之曰賢婦家素貧貞女習勞苦勤紡績以供饋粥今年四十有一煇亦偉然丈夫知向義矣或謂貞女旣歸宋氏之門儼然婦也而易爲女稱余謂貞女十有一歲而寡則猶然處子也雖名爲婦而其實爲女也以童年而感一夢遂能卓然自立不渝其志斯亦異矣夫表揚節孝所以發潛德勵風俗士大夫之責也况貞女之爲人其事更奇而其行爲彌苦忍聽其沒沒已耶余爲述貞女行畧乞當代大人先生憫其苦志錫以詩文俾貞孝不至泯沒感不獨煇一人也

謝啟昆

南康人廣東巡撫

宋畏軒詩集序

雩都自何善山黃洛村二先生受業陽明以理學聞天下人莫不知有何黃語曰江有何黃浙有錢王蓋湯明弟子惟何黃四子爲尤著其後中丞李養愚先生亦以理學著養愚至今二百餘年矣未聞有繼起者宋君畏軒兄弟三

人叔立厓季二厓少承尊人健亭先生命師事贛縣鄧自軒先生講求程朱之學以聖賢爲可學而至期於躬行實踐修身盡倫兢兢不少越君尤以主敬爲要專致力於視聽言動而以非禮自閑雖造次顛沛無惰容時閉門靜坐以求放心常覺鳶魚境界躍然呈露予與立厓交數十年得與君晤君規言矩步德性堅定而知君之用功嚴且密也夫言道者惟程朱得孔孟之正傳陸王則不能無偏君宗程朱與何黃之宗陽明似覺稍異然其同歸於道而爲聖人之徒則一而已矣君不求工於文觀其日錄教約書序以及與先生遺言遺事要旨講求聖學而與世俗之所謂學有大相逕庭者立厓則兼工詩古文二厓亦工詩卓然成一家言予藩司浙江其子惟駒來訪旣請序立厓文矣及巡撫粵西惟駒復以書來請序君集予因歎君兄弟之德業文章各有所就蓋繼何黃諸先生而起者並慶雪之有入聖學於以不墜也

袁堂 字升甫贛縣人諸生

贈李文學序

昔韓信未得志時困苦窮愁受淮陰少年辱復寄食亭長受餐漂母當時天下誰知信爲豪傑士而信亦隱忍自甘不以爲汙嗚呼士當窮約潦倒泥塗其不能援引聲氣而

傾倒其鬱紆兀聿之氣而寧隱忍自甘俯仰一世者可勝道哉可勝道哉李子某抱負奇異落落常不可一世豈亦貧窮無可宿糧筐無過膝衣然談吐談諧舉動端莊不以貧介意其殆古之士歟吾於今蓋未嘗多見也夫富貴功名昔人比之浮雲得不必喜失不必憂春葩秋葉不殞滅者幾何若歲寒松柏以本然樸素之質烈風不能摧其枝積雪不能改其性爲衆植長爲木中公侯此造物之微意上蒼之玉成也李子能無意乎哉貧者寧受人辱毋受人憐子不受人憐者也設受人辱其能隱忍自甘不以爲汙而自俯仰於子之一世也乎倘其堅爾心志富爾典籍俗經濟之才究顯晦之理他日得所建立視世之龔龔之士栩栩於利祿不得則爲女子恩怨之泣者當何如哉子志士也於子行逆子之意以爲贈當不河漢吾言

蕭朗峯

字瑤林興國人翰林院庶吉士

劉烈婦小傳

婦姓謝氏小字雲姑余同邑大足鄉人幼適萬安劉氏子劉家故貧窶夫年十八病瘵死值歲飢翁姑無以爲生令婦改嫁婦矢志不從曰寧行乞以養不願他適又數使隣婦諷諭之婦素樸訥聞人言但垂首泣固問之則曰若是不如死他日翁姑謀諸其父母以爲婦性懦雖有志可強

奪乃陰許適同里某氏子嫁有日矣婦尙未知在期姑與婦晨餐徐謂之曰若守志良苦顧青年無嗣家中食盡豈能久存活我老人心不忍今爲汝擇一夫家可長溫飽汝宜順從婦不答則又謂之曰此事與汝父母議定已受聘矣來娶卽在今日勉事新人無以我夫婦爲念婦泣問曰信乎乃取衣飾數事示之曰吾爲汝置此汝可收妝毋守故態也婦大哭不能出一語姑亦泣數行下頃之趨入房中哭漸止姑不意其有他也及迎娶者至叩門不應急排闥入則投繯死矣時乾隆丙午歲某月日也婦所居村僻

兩邑人罕有知其事者余昔年館於朝之鷺嶺與謝君聘

亭交得聞其詳聘亭語余曰是吾族姑也吾輩力不能表章願君爲之傳行將徵詩以廣其傳余以拙於文辭未果應旣思婦之節烈經二十年幾湮沒余旣知之不可以無言爰書其大畧如此

汪廷珍 號瑟菴山陽人禮部尚書諡文端

黃平菴先生墓表

歲丙寅冬余奉

命視學汪右次春巡部抵顛得信豐學生黃玟文愛其古質異俗趣特拔之生感余知講論次呈其祖平菴先生文集制藝乃知生爲先生之孫而生之學業有所本也先生

爲桐城方望溪先生弟子文章行誼一本師教性情退以求道績學爲志世俗富貴利達之見無所動於其中其甫入學也學使李公鍾僑器之旋舉拔貢入京

廷試既至京慕望溪先生之學踵門受業館其家數年足不及公卿門惟以詩文質於蔡梁村李穆堂兩先生在太學大學士朱文端公軾祭酒孫文定公嘉淦皆以社稷臣期之雍正十年舉順天鄉貢乾隆元年登二甲進士官禮部主客司主事凡一時名儒重臣爭相引薦如大學士鄂文端公爾泰欲係奏入詞館修三禮內務府總管鄭公禕係係舉宣諭甘肅大學士朱公軾兵部尙書甘公汝來以博學鴻詞薦都御史劉公吳龍以理學薦巡撫阿思哈布政使李根雲以經學薦先生皆辭焉在部未幾丁母憂歸遂以居貧養父明經講學爲樂閉戶著書更不復出以乾隆

三十六年辛卯六月二十四日卒於家得年七十有一記曰官先事士先志先生壯年通籍未幾而歸其功業無所見於世然觀其持身取友卓然無所苟讀其遺文篤實淳質親切有味意其設施必有可觀而未著於用嗚呼其可惜也已先生諱世成字培山世家信豐曾祖一爵

國初以武勇平粵寇蹟載郡縣志祖虞拔貢士父文汾歲貢士俱贈承德郎並以文學著名詳郡縣志妻李氏妾徐

氏子男二曰烜曰燦孫男八攻其冢嗣也於乾隆四十二年丁酉八月葬信豐城南十五里合口壩松山下松樹嶺坐壬向丙之原故事學使任滿舉其部內優行生入太學郡縣官以致名上攻不就試而諄諄以表其祖墓爲請其淡於進取而勤於孝思有祖風焉余不及見先生讀其書而慕其人故因攻之請爲畧記其概焉

惲

敬 字子居陽湖人瑞金知縣大雲山房集

彭澤縣教諭宋君墓誌銘

江西東南並嶺嶠州縣以十數縫掖之士萬人其著於世者於瑞金曰羅君有高於新城曰魯君仕驥於雩都曰宋君華國三人皆以穎縣鄧自軒先生元昌爲本師其學宗予朱子其言守前明辭文清公

本朝陸清獻公如積矩然後羅君遇家難遁而攻浮屠氏之書魯君奔走令長非其好棄去獨宋君官儒官始終行其意故其爲文羅君奧行而多傲詭之詞魯君端雅自惜邊幅宋君則泮夷如不欲爲文敬初至江西三人皆已沒世得其文讀之常推見其爲人瑞金陳生蓮青受業於宋君宋君之子惟駒與陳生交謀宋君寃宥之事因陳生以銘來請按狀君名華國字爾宜自號立崖居士始祖才備明嘉靖中由廬陵遷雩都之賴村曾祖敬禧縣學生祖曰

景早世父啟仗 恩貢生

敕贈修職郎寧都州石城縣教諭母譚氏

敕封太孺人君年二十爲縣學附生明年爲廩膳生年三十充拔貢生五十選石城縣教諭旋丁太孺人艱服闋署吉水縣訓導補彭澤縣教諭引疾乞長假卒於嘉慶八年十一月戊申年六十有九配劉氏子二長惟駒丁卯科舉人次惟駟縣學廩膳生君壯歲而孤家貧授經以養母太孺人忘其貧官石城迎太孺人養署舍朝夕無倦容及太孺人卒適大雨山水驟至壞署舍君號於神太孺人極卒無損伯兄昌圖艱於子爲三置妾竟舉子季弟光國早世君聞其名則掩耳而走終身皆然官石城吉水教士以

毋怠於其業毋訐訟以爲常敬常考江西道學之傳子朱子之後一傳爲劉子澄黃直卿子澄臨江人直卿久官於江西皆不愧其師說再傳爲向涪饒魯已離其宗三傳則多爲詭僞之士所託有絕可歎詫者自軒先生奮乎百世之下追而從之君與羅君魯君同事自軒先生乃各有其所就蓋志氣之疆弱性情之緩急天時人事之推禮皆於學有消長進退異同之故其始甚微而其積甚巨大賢以下皆然不可不察也敬於羅君魯君止讀其文於君兼得考其行事以爲喜幸爰不辭而爲之銘

銘曰以問學爲入以文行爲出其於道也至則如晝之日
不至則如夜之月然聖人之教不越路不由徑者車行地
無異轍人行地無異跡也不循其轍不蹈其跡是爲無行
地之說噫如君者其知之其能知之

王衍梅

字律芳號笠舫會稽人廣西知縣練雪堂集

曾子御樓霞記游圖跋

嗚呼此吾亡友曾子御樓霞紀游圖也予御諱敬寬頓之
長寧人爲諸生有聲博學好古從其兄幼竹宦游來粵西
西之都人十皆爭與之交與余交稍晚然相得懽甚其屬
題是圖也在丙戌之冬子御將從其兄於馬平一揖別去

時余以酒過被譴忽忽未及題明年主講昭州塵壘堆案
未暇題戊子春子御赴北闈瀕行書來索圖余迂緩其辭
曰以寄幼竹然終未有以題也今年秋幼竹調臨桂書來
報余曰噫吾弟且亡矣余驚詫者累日蓋子御以文薦不
售坐侘傺未一歲竟以不起噫嘻子御真亡矣死生離別
之感交纏於中余又何忍題是圖既復自思生無以踐言
歿而咄咄焉蹈書空之咎將如此良友何余又何忍不題
猶憶丙戌春子御邀余及黃君五園鄧君樵香閣君魯湖
遊壺山時桃花李花參差競開藉草爲茵蝶蜂過處飄滿
襟袖園丁折花以獻壺山者棲霞之支嶂也銳頂蓋腹

趾有雷酒人墓焉余語子御此所謂壺口雷首者耶
大噓既而過棲霞精舍值玉蘭交葩粉雪灑袂撲眉際
僧咄嗟具香積飯滌黎祁湯甚美酒酣子御脫幘起舞狂
歌拾落英爲藏鉤戲行玉柱潛虬之令望山背夕陽如
籃輦徧插繁花而歸彼一時也以謂瓊筵坐花羽觴飛月
直尋常事耳古人秉燭夜遊何其隘也會幾何時而魯翊
旣卒於吳門子御旋亡於京邸蒼蒼者天胡生才之難不
數數覲而奪才之易如此其速耶子御之作是圖也在癸
未之春同游者三人一觀又觀余未相識一幼竹一卽子
御記中稱鶯樹者其別號也獨怪子御翩翩少年耳而記
中有浮生百年之嘆若異日求爲一花一木之剪榮而不
可得者甚欲區區託諸圖畫以傳俾後之撫殘縑斷素而
流連者慨然遐想其爲人嗚乎子御豈逆知其不永年而
爲是離騷幽憂之音耶果爾又何爲棲棲皇皇出門西笑
思博一科第以少抒其抑塞磊落之氣卒之形銷神鍊玉
折蘭摧乃至友朋骨肉間曾不獲一握手爲訣而淒風苦
雨衰草荒烟魂兮有知長逝者抱恨安窮耶在昔延陵挂
劍於徐君劉秩陵亡孝標遺書地下古人存沒之際此心
不可誣也余又何忍不題余又何忍卒題哉跋數語而歸
之幼竹以塞其春鶴之悲

黃一桂

字丹臣號樺坪贛縣人歲貢

圓天圖說跋

青來道人清靜寡欲而於事物理趣多所窮究得輒默識於心未嘗爲人言人亦無知之者年七十矣兀坐終日泊如也初余僦居精舍見其案無他物惟幾何篇一册余曰是宇宙事物數理所從出也通其義以施於推步瞭然矣爰與窮究天地日月星度經緯之學青來不余諱日作一圖圖各有說闡發確徵積疑乃釋自維戴高履厚垂五十年設貿貿以終竟不獲明其理與其數詎非抱憾事哉糧儲觀察盧公故深於斯學者余數從問難久矣一日請余遂以圖說進質公閱而深然之謂余能不失人而是書之必傳無疑也復爲刪訂以商於制府阮公均各序其所以矣青來固欲余一言以誌相知之雅顧何能辭於其付梓也爲書簡末而歸之

黃

致

字完生一字子陽信豐人貢生

子陽餘文自序

聖人之道燦然昭著天地間何假於世之人之爲之文哉雖然燦者其光而所以燦者渾渾非其光也是故秦漢諸子莫不各爲文以務擴充乎其餘蘊擴充其餘蘊而遂有工拙之辨焉秦漢人文工矣迨至魏晉則拙迨至宋齊梁

陳隋則甚拙蓋工者以其不求工也拙者以其求工也甚拙者以其甚求工也求工得拙則文之工固不可以求者乎然而古人之文具在世之人皆願學爲之謂文之工不可求何爲學之則試執魯莧廡版操筆爲之且或有可得之數也是豈不愈動人之猜疑也哉而吾實不能爲文請畢斯說以問之能者惟是九經十疑義外其有不得敘疑義集中別著爲篇特以足九經十疑義之不備耳而非敢以爲文也然又極欣慕文之爲名故號之曰餘文云而尤不敢謂行文之既周也

王泉之 湖南人寧都知州

虔州鍾氏義田記

虔州爲溪鍾敬亭太守承懿命倣姑蘇范氏當湖陸氏新城陳氏置義田萬畝作贍族之舉並建義倉一所貯穀千石作荒年平價減糶之需余聞之曰若太守者可謂富而好禮勇於爲義善繼而善述者也斯舉也起於太守之祖若父而成於太守之生母王太恭人當湖陸氏其義田之存否不可知惟新城陳氏之廣仁莊至今弗替姑蘇范氏以文正公之賢雖屢廢屢興而義田猶存余惟古之以賢母稱者不過以義方訓子俾其成立無忝所生而畫荻和熊截髮封鮒遂藉藉流播人間而王太恭人非第斷機勗

學臨民訓政已也際永訣之時語不他及獨諄諄以承先志建義田相勸勉是其賢殆有過於古之所稱者也文正公義田之規日食人一升歲衣一緘嫁女者五十千再嫁者三十千娶婦者三十千再娶者十五千葬者如再嫁之數葬幼者十千族之聚者九十口歲入給稱八百斛擇族之長而賢者主其計而時其出納焉今太守倣其規而損益之定鰥寡孤獨七十名歲獲租息七百千於嫁娶凶葬有贍之外增士子應試之資節孝請旌之費於平糶酌糶四畱六推陳易新之法專其責於總管分其任於副理亦如文正公擇賢主計之意嗟乎文正公功在社稷名顯當時聲施後世卽無施貧活族之舉而亦不可磨滅焉至於巾幗而有丈夫之行出其樽節惠及族人於生死彌畱之際執大義以遺其子俾勿墜先緒洵可謂賢矣太守於義莊廳事立廟專祀宜也彼出耰鋤而有德色箕帚而多諄語聽婦言乖骨肉視至親如陌路鬪牆操戈者何可勝道族之人執壺瓢爲溝中瘠直如秦人之視越人而已謂非太孺人之罪人哉

宋惟駒

號月臺雩都人奉新訓導

王烈婦傳

烈婦王氏鉛山邑庠王桂支之女半逕蕭隆郊隨祖睿遠

先生官是邑司訓因聘焉未幾先生解組歸里隆邨亦歸
明年督學潘公取人弟子員復至鉛山王氏贅於家越二
年隆邨歸省旋病卒烈婦聞之慟不欲生母慰之烈婦欲
歸隆邨家守節鉛山距雩都七百里母以道遠止之舅翰
雲至鉛山烈婦至館舍雪涕告舅曰夫子歿矣尚未有後
吾欲歸爲夫子立後也舅曰奈家貧何烈婦曰兒志決矣
豈以貧富易乎舅曰諾將攜歸其母憐女少不忍遠離欲
於鄰里謀他適故緩其期當是時烈婦欲歸而母不可將
留鉛山於死者無益一夕乃自經死時嘉慶丁丑八月初
十日也年甫二十有三

宋子曰隆邨已歿數年烈婦不遽死思爲夫立後其所見
者大矣使其母聽之歸則旣可以終其節又可以承蕭氏
祧亦復何憾乃爲母所阻不得已慷慨赴死何其烈也死
有重於泰山烈婦之死真有重於泰山者余嘗過鉛山邑
人道其事甚詳今年春余修邑志翰雲以書來乞立傳余
乃銓其事附諸志末以爲稱未亡人者勸

王廷楷 龍南人

秋潭詩序

歲壬午夏余以督學周夫子命來學豫章秋潭從余遊院
舍湫隘炎蒸歊絕不可耐秋潭亦能安之煮茗之暇自沐

其素所作詩得十之一二質余曰生總州喜吟詩數年未窺其藩籬而朋友索稿者甚夥苦無以應之茲將以此付梓如何余曰文以載道也美斯愛愛斯傳焉詩固文之一藝也其美耶其可傳耶且文治日隆天下之和其聲以鳴盛者無地無之何有於我輩耶然正未可量也秋潭觀書有識好求古人經濟之學居恒寡營不艷慕聞達惟樂佳山水興至卽捉鼻吟詩天才超逸絕無解果委瑣之習骯髒不平之氣染其筆端人見其人與詩以爲是將膏肓林泉者矣余以爲不然昔孟襄陽之過洞庭也其詩曰微濟無舟楫端居心學焉難老不得志於時何嘗忘仕進况秋潭年甫冠天姿英敏余方縱之乎文物聲明之場以寫其愉懌暢之于名山大川之際以拓其襟期深求於古人進退出處之大義以堅其所學所志俾所謂溫柔敦厚和其聲以鳴盛者益油然不能已於懷則人爲載道之器卽言爲載道之文傳不傳又聽之矣是則余所願相與有成而序此詩之意也秋潭勉乎哉

黃 濬 太平人雋都知縣

劉孝婦傳

癸未嘉平余來宰雋都入其境百餘里道旁觀者無膏首之婦無青年之發老人鮓負戴而蓬戶多潔清余曰此雖

俗之厚哉意必有異節瑰行足以風陶乎一世者而漸摩之化自近者始固非百里宰所能致也洎下車問之父老則以地多良淑媛節孝互輝映而苦節純孝尤以劉母李孺人爲最云母故鉅家女笄年歸於劉不厭蔬藿而琴瑟雍然舉一女一子姑又卒翁耄且廢篤良人遠服賈不爾將有仰屋憂然而皤皤者塊於牀母曰是不可以恒禮拘也則爲之易衣而手濯之則爲之調飴而匕授之則爲之扶持抑搔而敬侍之則爲之潔行匱飭澗器躬進而屏俟之如是者有年夜數起無倦厭良人歿其所以訓孤子者無不至亦循循知勤勉家日以裕母獲享高年終於是鄉

之聞其風者敦勵多婦德雖其俗之厚哉亦賢媛之施也雩都幸曰余莅茲土且二載歲時讀法劉生鼎柱以公至識其爲人與交不驥不疏蓋君子流也顧其母之懿行非繇劉生自言之聞之自父老及邑紳士云

周之琦

字穉圭蔚符人廣西巡撫

知信豐縣武君墓誌銘

世之善人長于海濱

嗚呼積善之家必有餘慶斯言也聖人采之以翊大易豈不諒哉然而退之子厚諾君往復論說曲致其然疑若以爲此亦何足深恃者豈信道之未篤而爲是紛紛歟抑天果有時而不可測歟以吾觀於武君然後歎斯言之終無

以易也武君諱穆淳字小谷偃師人故經師循吏山東博
山縣知縣武先生億之子也以先生經學之精則爲子
以先生循行之卓則爲子難既盡通其經說而又克劬
治行雖起先生於九京豈敢爲是求全於造物者乃造物
特假先生一家授受以興起一世之善人君子而釋韓柳
千古之疑遂不惜全以畀之而無所復吝嗚呼盛矣武氏
故山東聊城人遷河內再遷偃師君曾祖朝龍隱德不耀
祖紹周始以進士起家官至吏部郎中武先生娶於呂實
生君君以副榜貢生中式嘉慶十二年本省舉人二十一
年大挑一等發江西以知縣試用累權吉水龍泉樂平萬
載嶺五縣一充鄉試同考官君之爲縣首以聽訟爲務既
平數大獄民信之矣然後爲之興水利設講院使農耕於
野土勤於學以期馴致於康樂和親而刑漸以措故所至
輒見德其後補永新調信豐皆用此爲治旣歿數縣之民
爭欲立祠以祀君此豈政各期會所可致耶嗚呼可以觀
君矣道光十二年余奉

命巡撫江西旣嘗相知於君父子之間喜共事一方將論
列治行以聞於

上而君乃不及待此誠於君無所輕重加損而余之致惜
於君者爲無窮期也君所著書多未畢業稿藏於家後之

人當有為君竟其志者其決事具孤子所述行狀皆人所不易察而君得其情不勞其卒以十二年五月二十六日年六十有一配孺人李氏有壺德其卒以十三年二月十八日年六十歲丈夫子三未選技貢生藻采女子子二並適士族未奉喪合葬來請墓石之辭余亦欲藉君以大伸善慶之說故不辭銘曰

著書未成而行之以身仕宦不顯而澤已及民芒山之麓維川之濱是父是子是為德門我銘不諱以詳其後昆

沈毓蓀 字蕪濱海寧人

徐旋在府刻中息園詩鈔序

曩歲中庚寅余王講上德靈白書院識信江山長顧影數石臥白臥白王詩唱酬之暇極口稱其鄉徐刺史旋齋先生為一時作者余心頗有年矣今秋僑寓南昌臥白以書邦先生息園遺稿來屬余序首簡昔人謂文章之道近山者沈雄近水者秀穎余嘗以此驗古今詩人雖才力有高下宗派有異同而所得於山川之助者大率不越此兩言顧邑附郡郭郭外崆峒天竺錦屏赤石諸山嵯峨峭拔遠近環繞章貢二水至此合流有襟帶千里之勢余四至其地至必登入境臺憑闕眺望駭目盪心其地之能詩者如宋之王漢謀陽玉巖曾文清元之王竹逸蕭極初明之劉雪

宋梅溪皆有盛名意山川鍾靈當世必有繼者而起
 者時先生已歿余亦未與臥白交無由見其邑之詩人而
 詢之也今讀是編其骨峻卓其氣灑瀚其神韻淡蕩而纏
 綿所謂近山沈雄近水秀穎者實兩兼之先生處為通儒
 出為循吏有本之言豈必模山範水要自有不期肖而肖
 肖者周讀終卷如重登八境臺眺崆峒諸峰之奇觀章實
 合流之瀾渺目為之駭而心為之盪也宗少文臥遊於畫
 余臥遊於先生之詩矣書此以報臥白臥白必首肯余言
 其邑又有鍾員外官城者年少工詩近與余唱和議論多
 合異日讀先生詩必不以余言為河漢也

余成教 字石園

戴臥白學博培華小園詩鈔序 集歐陽永叔文

先生志高而行潔 送梅聖俞序 其學問通博文辭雅正深粹 江鄰

幾文筆力雄贍 與曾子固啟 自少與文行推於鄉里 辭簡肅公文集序

而於文章之外詩思尤精 詩話 故其平生所作於詩尤多 梅聖俞詩

嘗得傳誦數篇 與顏長道 含不盡之意見於言外 詩話 每恨

不見全編 與顏長道 始於鄉進士舉於有司 送廖倚序 由是名動京

師 辭簡肅文集序 而官僅得一縣令 與樂秀才書 緬懷故都風物之佳

與劉屢自陳乞 與丁元珍 決然早去 與裴如梅 學舍久淹 與顏長道 償其

素願 與常夷甫 其勉於人者勤其入於人者漸 吉州學記 使諸儒後

國朝文

生企仰而不暇

送方希則序

至於朋友故舊平居握手言笑

江鄰

幾文集序

佳時美景

與王君賦

一寓於詩而曲盡其妙

詩話

又工於書

上筆畫巨細皆有法

顏真卿麻姑壇記跋尾

不獨為學之外有山水

琴酒之適而已

與梅聖俞

物外浮榮信乎不為吾儕得失也

與焦

之某以孤拙之姿

與吳充卿

材薄力弱

與韓稹

既無曩昔少壯之

心氣

與滕子京

自顧無補於時

與劉原父

然喜為歌詩以自娛

釋秘演詩

集始得山齋宴息因謂不意平生想見

題青州山齋

固已有日

與吳中復

張應之字序

忽然得之

與章伯鎮

以償夙昔嘆慕之

心與杜世昌

乃蒙不鄙

與韓稹

益荷意愛

與王安道

新詩醉墨時以為

惠與劉原父

恃賴相知

與王安道

過形褒借

與韓稹

其為傾嚮之勤

以從有道君子

與常夷甫

雖與之終身久處而不厭也

送秘書丞宋君

序士之仕於州郡者

送楊子聰戶曹序

學館誠岑寂然塵事不到

與顏長道

奉親頗便

與韓稹

藏拙於此幸亦優閒

同上

君子出處不

違道而無愧則所居皆樂

與顏長道

江山英勝聊助公餘之興

與馮當世

而吾二人者

答連職方

惟意所適亦時時見於文字也

思穎

詩後

於是次而錄之

禮部唱和詩序

留其警絕者尚得數百篇

與梅

聖俞

見索拙惡

與韓稹

既不能無言

尹源字序

為序其詩

釋秘演詩集序

反

覆誦之

與張裴

得風雅之正

舉梅堯臣狀

可以傳也

與梅龍圖

李祖陶

字邁堂上高人舉人

宋立崖先生集序

自寧都魏叔子以古文名天下一時從遊及各郡之士皆爭自濯磨以趨於古昔人所謂一人善射百夫決拾也然沿襲既久積而生厭於是其有仍其派而思奮者有大變其格以求勝者亦有非性所近不薄不愛而澹然自爲者仍其派者謂其爲經世之文坐而言可以起而行如清江鄧嵩壽廣昌黃靜山雩都宋暢谷新昌李鄴芸才雖少遜而臭味實同者也變其格者謂其爲策士之文略無先儒醇實氣象建寧朱梅厓昌言排之同鄉如瑞金羅臺山吉水羅旭莊武寧張椽壇皆躋險攀高務追秦漢以上視宋以後若不屑者予雖未敢以爲然要不可謂非矯矯之士也

而新城魯絜非及暢谷之從弟立崖先生則不相識亦不相薄絜非文整雅務鏗其險阻而使之平立崖意夷雅盡掃其榛蕪而使之潔皆澹然目爲不受叔子牢籠者絜非文予已采入三十六家先生文得之稍晚去冬始讀之予蔽以醇潔二字蓋伐毛洗髓之功深矣夫文之醇未易言也必約六經之旨必取五子之精否則其味薄文之潔未易言也必淘之汰之渣滓盡而後清虛來必播之揚之糠粃除而後精鑿出否則愚山施公所云波瀾不闊光燄不長者未可許之爲潔也先生少與伯兄道原季弟尙賓受業於贛縣鄧慕濂先生講求程朱之學且屢以此勗潔非

其醇固有自來行文則刊落一切往往東大議論於尺幅之中而夷然如不欲戰其潔亦非他家所可比予將以暢谷及先生文續於三十六家之後洵可相爲頡頏者陽湖惲子居大令立言最慎其誌先生墓也謂江西東南並嶺嶠州縣以千數縫掖之士萬人其著於世者於瑞金曰羅君有高於新城曰魯君仕驢於雩都曰宋君華國華國先生名也其亦可以知先生矣先生文在時已板行其半絜非序之今其嗣君月臺秉鐸新吳取其文之已刻未刻者并詩都爲一集而精刻之索序於予予不敢辭也因據所見而質言之如此詩古體直追韋柳今體雅近錢邵世有識真者當不河漢予言也

陳繼昌

號秋史廣西人江蘇布政使

李雙圃方伯棟懷堂隨筆序

雙圃先生自吳臬量移黔南瀕行示以棟懷堂隨筆若干卷且曰此卷爲予習見於章門者今別有目矣盍綴一言余曰諾辛卯壬辰間余承乏保陽保陽其舊治調自上谷者也時閱數載官民猶爭道之爰歷詢其先後治蹟凡所爲決危疑挽澆薄任勞怨興廢墜平訟獄風節德意深入人心知非可以才華襲權術致者乙未夏余提刑江右先生觀察贛南已三年矣同官相距千餘里手書往還深相

企慕旋獲讀其歷任公牘及里居時序記若干篇精闢治
 理敦篤倫常言如脫口事如觸目見其文如見其人愛之
 敬之爰手錄而存之既而來權臬事晨夕相親肝膽照人
 五官並用馭繁以簡舉重若輕見其人又如見其文矣丁
 酉廉訪吳江疊權藩篆余亦分馳南北旋復養疴松陵近
 覘擘畫側聆口碑其敬上愛友卹吏便民一如保陽所聞
 一如江右所見而志彌專情益摯願愈宏遠蓋其人其文
 之前後一轍表裏一致固如是其久而不變信而有徵也
 天下有真性情而後有真才識真事功今競言才識事功
 矣而弗克相見以真性情本根不固枝葉徒繁蹊徑既歧
 疾徐皆蹶斯卷也惟真故言之切慮之周行之力聞之者
 信感之者應文與人合文之為文如是而已人與文合人
 之為人如是而已所勉勉無窮者持之以虛勵之以恆而
 己或議之曰銳矣恐失之偏決矣恐失之戇余曰偏當視
 其涉私與否戇當視其有濟與否勿泥於此可以論人可
 以論文

譚欣 字快人號陶村雋都人歲貢

器銘

介乎仁不仁之間者不律也循吏則委曲出人罪而生人
 者筆黠吏則文致入人罪而死人者筆君子執之慎爾心

術筆銘 日磨月磨墨無盡時而人壽無多人柰墨何墨紙者

砥也君子砥行有如此者紙書也而用護惡其文之著護書

銘 晦而休休於是明而動動於是休也動也惟其時是為

時中之君子帳毋拔而起殺人者死劍銘

郁鼎鐘號彝齋嘉善人泰和知縣

董觀察別傳

公諱榕字念青號漁庵直隸豐潤人以選拔貢生令夏邑

遷九江郡守擢任分巡吉南贛寧道讀書立政務實不華

嘗輯周子全書及洛學編聖學入門諸書遠近傳之明建

文時殉節駙馬都尉梅殷夏邑人也公為今日請祀鄉賢

議本不行稿存所著恒巖集其表微闡幽類如此在贛多

實政具郡志乾隆二十五年奉母喪過滕王閣下墮水卒

論曰自湯文正公去贛後八十餘年而董公繼其任湯與

陸清獻齊名以理學後先崇祀董亦溯源洛學著有成書

在贛禁風俗入事輯從政體仁錄皆非苟於言者嚮使天

假之年充其所學蓋亦儒臣之選也而粹以漸死惜哉予

寓甕園時求豐臺遺蹟廢矣及讀泰和姚侍郎頤輓詩為

之三太息云

書羅信昭軼事

羅信昭名詩瑞贛縣國子生業賈亦能詩好鑒古篤於行

國朝文

義老而不衰嘗爲賓興會監造府學前市房獨費銀錢七千有奇重建鬱孤臺又費五百餘金家遂中落不悔也先是蕭姓築宅於此山掘石一圓徑二尺許有紋如螺流血三日久之蹟猶隱隱可辨遂置小廟側坑中故老流傳信昭猶聞之則未知田螺嶺之名以此與抑先有嶺名而石其後出與信昭旣建臺琢盆貯沙移石其中供於臺上顏以螺峰二小字此亦好古之癖也邑士以其賓興惠衆贈義重儒林額則固辭乃手題數語於鬱孤臺扁陰曰以此自壽足矣未審手題何語其子書銜幼罔聞知無自訊其詳然而信昭可傳矣

吳文錄

字貞甫儀徵人浙江巡撫

示觀風濂溪陽明二書院

秀峰文壁之間山含清淑西貢東章之地水抱中和郡邑當衝人文所聚周元公久留遺愛士奉儒宗王文成大闡良知人遵教術講堂並起肄業者在焉本部院將細與論文詳加校藝乘閱邊之暇殷獎士之懷爰以四書文暨論賦詩諸題宣示濂溪陽明二書院爾茂才等各濬詞源自呈花樣樹鼓旗而角技語避雷同本雅頌以成章音如風好芳型具在應多五子之才佳構傳來定潤萬言之筆

王頌三

興國人選貢

王文成學術論

古無所謂道學也至宋始名故學道而求諸濂洛關閩之說尙矣雖然求其說卽足以入道乎說特濂洛關閩之迹耳然則將何以入道也孔子曰神而明之存乎其人又曰精義入神以致用道之入也亦視乎學者之心得耳陽明先生生於明遠接孔曾思孟之傳近尋濂洛關閩之秘特以致良知爲聖學宗旨致知二字本大學良知二字本孟子明白簡易真與周子之言誠程子之言天理相類諄諄教誨出其心得以教人誠可謂一代之儒宗矣且致良知者非空任一心而無與於一切事物之理也致字內有窮理功夫有擴充功用如答崇一則謂集義卽致良知傳習錄謂事物之來惟盡吾心之良知以應之所謂忠恕違道不遠也又謂所惡於上是良知毋以使下是致良知蓋推其解則萬變而不窮極其功則四達而不悖孟子曰凡有四端於我擴而充之其近之歟雖當是時懲末俗之卑汚招朋講學接引後進多就高明穎悟之流漸有放言闊論之失未免稍偏而世人卽緣此而排擊之又徒見大學古本之復知行合一之說格致誠正之論與朱子微有異同而遂詆爲空虛寂滅近於禪悟誤矣且夫學術者功業之所從出也先生平淵窺擒宸濠以及平兩廣諸武功儼

權奇以之追蹤武侯無愧功業如此豈空虛寂滅而能
是乎此不待辨而知也不特此也先生之學實心契於
于晚年定論一篇與朱子同歸一致而世每病其出於象
山更未有以窺先生心得之深也吾嘗讀先生再答徐成
之論朱陸異同之書曰晦庵之與象山雖其所爲學者若
有不同而要皆不失爲聖人之徒而世之儒者附和雷同
不究其實而概目之以禪學則誠可嘖也已故余嘗欲冒
天下之譏以爲象山一暴其說雖以此得罪無恨吾於先
生亦云

陳觀西

字仲博號二山錢塘人增廣生

蕪縣訓導陳君墓誌銘

道光二十五年冬、翫酉始游虔州客李公觀察署時萬安
陳君官蕪縣訓導以文章教士諸生翕然和從十年於茲
矣余無由申縞紵之好落落者久之越二年觀察舉修蕪
州府志余以襄理入志局方欲從君採訪遺事君適遭疾
秋冬之間余往南州及返虔而君已卒於官舍矣其伯兄
子禮讓乞余文誌其墓按狀君諱萃字鹿賓世居萬安之
密下鄉曾祖友望祖誘善考瓊玉三世皆不仕以君爲訓
導勉贈厥考如其官贈君少入蜀貿易於南部娶贈母徐
生子三伯曰芑勉贈訓導仲曰藻皆服賈君其第三子也

既冠歸鄉里補學官弟子旋入餼有聲於庠嘉慶十八年
癸酉君年三十五舉鄉試入京館尚書何文安邸第其子
編修紹基廕生紹業皆嘗執經於君得其指授文安督學
東魯君爲襄校試禮部屢薦不利大挑二等以教諭選任
贛縣訓導事贛州濂溪書院爲觀察課士之所三郡一州
諸生羣聚而肄業焉余時時參閱課藝所識拔者多出君
門君以余能知文而余竊重君成就後進垂老不倦聞君
好客屢常滿戶外余則遲之久而不及一至其室故始終
未見君也君在官食指三十餘人輒至空乏其歿也無以
善後事贛州太守周公贈錢六萬且爲經紀其喪送之歸
葬君生於乾隆己亥七月九日歿於道光丁未十月二十
五日年六十九配孺人徐氏爲蜀中士族女能孝敬其姑
族黨無間言生於乾隆庚子正月六日歿於道光乙未五
月十三日年五十六妾蕭氏廖氏子男一人女二人孺人
生長女適泰和郭奎章廖氏生子禮誠及次女皆先君殤
以伯兄之次子禮誠嗣孫男六人春坦春坊春均春增春
培春坦春坦立爲禮誠後曾孫男二人秋華秋茂卜兆誠
信鄉之通津橋將奉君與孺人匿封其藏銘曰

吾聞其才嶽奇磊落吾讀其文紛綸璀璨嗟劉蕡之下第
老鄭虔於學博豈天欲雙江之士氣一振邪而屬意於斯

人邪

黃憲清

字季章號韻珊海鹽人舉人

李藹如觀察詩序

詩言性情書道政事故從政者恆諱言詩然明良之歌見於堯典詩言志歌永言舜且有典樂之命夫以唐虞之盛豈藉詠歌以飾太平哉良以政事之純剝視乎性情之厚薄性情不可見則於其聲音文字間會之君子觀十五國之詩而識其風俗人心之所在則知性情爲政事所從出世豈有無性情而有所謂政事者予蓋讀藹如觀察之詩而益信其不誣也余與觀察以性情相友善十餘年如一

日觀察旣捷南宮由郎官分巡嶺北嶺北界閩粵楚三省之衝萬嶂嶙嶸筍莽叢雜地險而俗悍民易爲奸前明設提督軍門鎮撫之而補岡瀕頭下墟三巢等寇始以次犁定官其地者幸皆以武功顯而觀察以一書生巾扇裘帶從容坐鎮於大川長谷間者且五閱歲矣余蓋不知其所以治也道光戊申夏五余訪觀察於虔州入其境人烟稠鬱民氣蒸然農工勤於業行旅安於途商賈便於關市且此戶有弦誦聲而濂溪陽明兩講院囊書負笈而至者踵相接焉則都人士之沐浴於德化又如是其至也嘻異哉余益不知觀察之所以治也及一晉接則諱然藹然仍

日一書生也鳴琴嘯歌若相忘於仕者酒酣道舊出所
詩讀之和而不柔奇而不詭莊雅而不佻又何其學之醇
而詞之粹也嘻異哉余向者不知觀察之所以治今而知
觀察之所以治也觀察之爲治益以性情而發爲政事者
也詩者性情之見端而性情者喜怒哀樂之所自發發而
中節則天地萬物且資以位育焉豈直區區數郡之治哉
余留虔署凡六月略悉觀察之爲治興利除害巨細畢舉
其條教法令之雜見於從政錄者皆斐亶懇摯可以感發
懲創一如乎其詩是非學道愛人素有蓄積於其中者而
能如是乎詩源於三百篇風有勿剪勿伐德之懷也雖有

如霆如雷威之畏也威德者卽喜怒哀樂之發乎性情而
見諸政事者也觀察本性情爲威德而民且畏懷之則政
事之得乎性情之正可知也則詩之得乎性情之正更可
知也微從政而諱言詩者非其才弗逮卽力有弗暇耳世
豈有無性情而有所爲政事者哉觀察旣以政事顯卓異
聞於

朝今且陳臬皖江矣異日賡歌喜起入而贊唐虞之治其
機已權輿於此古之能詩者或窮愁伊鬱局促里巷無所
建樹人且從而非笑之觀察躬際

盛世雍容掄揚得次第以展其才詩人之遇何其隆耶余

不文不足以序觀察之詩第卽其形諸政事者益歎其性情之厚且以見詩之有裨於治理固如是其確然可證也
李本仁 字藹如錢塘人安徽按察使

上中丞傅公請於實任知縣內酌量陞補分防通判竊照贛州府龍南縣之大龍太平新興三堡均距縣寫遠地勢遼闊且與粵東各州縣接壤素多不逞之徒四出搶掠疊經該府督同縣營帶兵親詣嚴拏而該匪等聚散無定此出彼歸官則疲而匪愈玩前經某議請在於大龍堡之觀音閣地方適中轄要處所移設通判一員並移撥營弁兵丁就近駐守彈壓經前憲會同制府專摺入奏已奉

部覆議准 現在委員前往勘估起築城垣添蓋兵房衙署約須錢一萬五六千緡此時省城暨九江下游一帶水患爲災澤鴻遍地正值辦理撫卹之際勢難兼顧目前籌費一節到處皆難此項工程由某與贛州府周守捐廉興辦不敢上勞憲廑惟是該處民俗獷悍成風移設通判原以藉資整頓安良緝匪事事喫重非精明幹練之員斷不足以勝任實爲贛屬最要之缺將來補缺若於候補通判內擇人而昇恐聞曹未經歷練必難爲地方收得人之效擬請在於現任知縣內擇其才具明幹識畧兼優者酌量陞補庶於地方有裨然此係極疲極苦之區請俟該員到任

三年後由道府察看如果該處居民安堵匪類斂跡一切辦理均臻妥善卽據實稟懇憲恩予以升途以示鼓勵如此則地方可期得人而該員感激恩施自必倍加奮勉於更治民風大有裨益矣

(Faint bleed-through text from the reverse side of the page)

卷七十三

贛州府志卷七十四

藝文志

詩詞附

唐

張子容 襄陽人樂城尉

永嘉卽事寄贛縣袁少府璿

山繞樓臺出溪通里閉斜曾爲謝客郡多有逐臣家海氣朝成雨江天晚作霞題書報賈誼卑濕似長沙

張尙瑗曰詩紀錄袁璿鴻門行惠文太子輓歌諸篇亦明皇時詩人也嘗官少府外徙居贛孟郊有贈張子容少府之詩蓋與璿同官長安而謫居相問但璿之在贛或爲令或丞尉俱未可知王季友之虔幕其

唐詩

為別駕參軍亦未可知故並不敢列之長貳表中

王建 字仲初潁川人陝州司馬

秋日送杜虔州

憶得宿新宅別來餘蕙香初聞守郡遠一日臥空林野驛
磷火濕路入消息狂山樓添鼓角村柵立旗槍晚渚露荷
敗早衙風桂涼謝家章句出江月少輝光

錢

起

字仲文烏程人考功郎中有集

送王季友赴虔州幕下

列郡皆用武南征所從誰諸侯重才畧見子如瓊枝撫劍
感知己出門方遠辭烟波帶幕府海日生紅旗問我何功

德負恩留玉墀銷魂把別袂媿爾酬明詩

孟

郊

字東野武康人溧陽縣尉有集

分水嶺別夜示從弟寂

一作示于孟寂

南中少平地山水重疊生別泉萬餘曲迷舟獨難行四際
亂峯合一眺千慮并潺湲冬夏冷光彩晝夜明賞心難久
勝離腸忽自驚古木搖霽色高風動秋聲飲爾一樽酒慰
我百憂輕嘉期何處定此晨堪寄情

本仁案此詩寶志不載入志山如其因贈人之作也則何以不入藝文今急為補之

張

籍

字文昌烏江人主客郎中有集

寄虔州韓使君

南康太守負才豪五十如今未擁旄
早得一人通姓字常聞三事說功勞
月明波口章江靜雲散城頭賴石高
郡政已成秋思遠閒吟應不問官曹

賈島 字鬪仙范陽人司倉參軍有集

送南康姚明府

銅章美少年小邑在南天
版籍多遷客封疆接洞田
靜江鳴野鼓發纜帶邨烟
卻笑陶元亮何須憶醉眠

耿漳 河東人左拾遺有集

晚登虔州卽事寄李侍御

章江與貢水何事會波瀾
萬里歸人少孤舟行路難
天光浮曲浪春色隔連灘
花發從南早江流向北寬
故交參盛府新角聳危冠
楚劍期中割臨珠惜未彈
酒醒愁轉極別道淚初乾
願保喬松質青青過歲寒

楊巨源 字景山河中人少尹有集

送杜郎中使君赴虔州

迢遞南康路清輝得使君
虎符秋領俗鶴署早辭羣
地遠仍連戍城巖本帶軍
傍江低檻月當嶺滿窗雲
境勝聞聞聞天清水陸分
和詩將惠政頌述九衢聞

包何 字幼嗣延陵人起居舍人有集

和孟虔州閑齋卽事

古郡隣江嶺公庭半薜蘿府寮閑不入山鳥靜偏過睥睨
臨花柳闌干枕菱荷麥秋今已至君聽兩歧歌

白居易字樂天太原人刑部尚書馮翊縣侯諡文長慶集

清明送韋侍郎貶虔州

寂寞清明日蕭條司馬家
畱錫和冷粥出水煮新茶
欲別能無酒相畱亦有花
南遷更何處此地已天涯

皇甫湜一作激

中書令鍾紹京

景龍仙駕遠中禁奸釁結謀猷
叶聖明披鱗奮英節青宮
閭闔啟滌穢氛泯紫氣重昭回
皇天新日月從容廟堂
上肅穆人神悅唐元佐命功輝煥何烈烈

崔尚

虔州見鄭表新詩因以寄贈

梅花嶺上見新詩感激深情過
楚詞平子四愁今莫比休
文入詠自同時萍鄉露冕真堪惜
鳳沼鳴珂已訝遲才子
風流定難見湖南春草但相思

張祐字承吉丹陽人

送沈下賢謫尉南康

秋風江上草先是客心催萬里
故人去一行新雁來山高
雲緒亂浦迴日波頽莫怪南康遠
相思不可裁

秋灘一望平，遠處見山城。
落日啼鳥相空林，露寄生燒畚。
殘火色盪漿，夜溪聲況是曾游處。
桑田小變更。

李商隱 字義山懷州人太學博士玉溪生詩集

哭虔州楊侍郎虞卿

漢網疎仍漏齊民，因未蘓如何大丞相。
翻作弛刑徒，中憲方外易京尹。
終就拘本冷能辨，謗先議取非辜巧有凝脂。
密功無一柱扶，深知獄吏貴幾迫季冬。
誅叫帝青天，闊辭家白日通流亡。
誠不弔神理若爲誣，在昔恩回奈諸生禮。
秩殊入韓非劍客，過趙受鉗奴楚水。
招魂遠邨山下宅，孤甘心親埵蟻旋踵。
戮城狐陰隲今如此，天災未可無莫憑。
牲玉請便望救焦枯。

許渾 字用晦丹陽人虞部員外郎丁卯集

南康阻淺

晴灘水落漲虛沙，灘去秦吳萬里賒。
馬上折殘江北柳，舟中開盡嶺南花。
離歌不斷如畱客，歸夢初驚似到家。
山鳥一聲人未起，半牀明月在天涯。

章碣 錢塘人乾符進士詩一卷

有酒失於虔州陸郎中肱以詩謝之

醉時顛蹶醒時羞，麴蘖推人不自由。
叵耐一雙窮相眼，不

堪花卉在前頭

錢

珩

字瑞文武康人中書舍人

江行無題一百首之二

數峯雲斷處去岸映高山身到章江日應猶未得閒

灣斜照水三板順風船未敢相邀釣勞生只自憐

張

蟻

字象文清河人校書郎有集

南康夜晏東溪畱別郡守陸郎中

飄然野客才無取多謝君侯獨見知竹葉樽前教駐樂桃
花紙上待題詩香迷蛺蝶投紅燭舞拂葦葭倚翠帷明發
別愁何處去片帆天際酒醒時

鄭

谷

字守愚袁州府都官郎中都官集

南康郡牧陸肱郎中辟許棠先輩爲郡從事因有寄

大士贈

末路思前難猶爲戀故巢江山多勝境賓主是貧交飲舫
閒依葦琴堂雅結茅夜清僧伴宿水月在松梢

羅

隱

字昭謙新城人鎮海軍掌書記甲乙集

寄虔州僻大夫

祝融峯下別三載夢魂勞地轉南康重官兼亞相高海鵬
終負日神馬肯眠槽會得窺成績幽窗染兔毫

南康道中

弱冠負文翰此中聽鹿鳴使君延上榻時輩仰前程丹桂
竟多故白雲空有情惟餘路旁淚沾灑向塵纓

譚用之 字藏口

貽南康陳處士陶

白玉堆邊蔣逕橫空涵二十四灘聲老無征戰軒轅國貧
有茅茨帝舜城丹鳳晝飛羣木冷一龍秋臥九江清時人
莫笑無經濟還待中原致太平

太上隱者

答人

偶來松樹下高枕石頭眠山中無歷日寒盡不知年

沽酒

酒盡君莫沽壺傾我當發城市多囂塵還山弄明月

釋靈澈

聞李虔州亡

時時聞說故人死日日自悲垂老身白髮不生應不得言
山長在屬何人

南唐

韋鼎 湖南人有集

贈廖凝

君與白雲隣生涯久忍貧姓名高雅道寰海許何人嶽氣

秋來早亭寒果落新幾迴吟石畔孤鶴自相親

徐鉉

字鼎臣廣陵人南唐吏部尚書右僕射宋檢校工部尚書騎省集

文彥少卿文山郎中交好深至二紀已餘睽別數年

二子長逝奉使嶺表途次南康弔孫氏之孤於其家

觀文彥手書於僧室慷慨悲歌畱題此詩

孫家虛座弔諸孤張叟僧房見手書二紀歡游今若此滿

衣零淚欲何如腰間金印從如斗鏡裏霜華已滿梳珍重

遠公應笑我塵心唯此未能除

朱處士相與有山水之願見送至南康作此別之

憐君送我至南康更憶梅花庾嶺芳多少仙山共遊在廳

君百歲尙康強

廖匡國

字贊禹虔化人仕湖南馬氏爲天策府學士詩集二卷

九月陪董內召登高

祝融峯下逢嘉節相對那能不愴神烟裏共尋幽澗菊樽

前俱是異鄉人遙山帶日應憐越孤雁來時想別秦自古

登高盡惆悵茱萸休笑泪盈巾

宋

趙抃

字閱道西安人資政殿學士諡清獻有集

送興國令徐師回殿丞

報政方山下分攜貢水濱人蒙百里惠花見四年春親志

樂戲絲家聲高縉紳還期逢慶節慈宴拱嚴宸

和虔守任滿周敦頤香林寺飯別

顧我入趨堯闕去煩公出餞贛江頭爲逢蕭寺千山好不
惜蘭船一日畱清極往來無俗論道通何處有離憂分攜
豈用驚南北水闊風高萬里秋

虔州卽事

君恩山重若爲酬補郡都忘樂與憂惶恐灘長從險絕鬱
孤臺迥足觀遊贛川在昔名難治鈴閣於今罕少休人謂
闕疎予自喜遠民安堵更何求

答贛縣錢顛著作移花

令尹移花意思勤海棠多種郡園新自從西蜀年年見今
日欄邊似故人

次韻周茂叔國博見贈

蜀川一見無多日贛水重來復後時古柏根深寒不變老
桐音淡世難知觀遊邂逅須同樂離合參差益再思籬有
黃花樽有酒大家尋賞莫遲疑

次韻茂叔重陽節近見菊

爲僚初自喜邀客亦逢嘉把酒初同樂分襟莫預嗟未成
終畫舸好共載黃花試向東籬看秋叢映曉霞

李

觀

字秦伯南城人海門主簿盱江集

送曹北部移虔州

要知賢者善居官法自嚴明性自寬黠吏欲欺難作計愚
 民初懼久方安獄詞大小情皆見市牧公私價一般農力
 不聞供土木窮簷猶得免饑寒星爲二使來巡撫考未三
 年悉可觀劇郡便當煩鎮守君恩寧許更盤桓兩轡贛水
 行非遠五袴所江日漸單從此天衢龍蹕去野人懷德謨
 恭峻

陶弼 字商翁永州人康州團練使知順州

送趙樞寺丞宰虔化縣

路入虔雲去如何輕解攜人雪五里北星斗大江西度雪

梅花野晴雷嶺石溪青山欲無淚不柰鷓鴣啼

楊慎曰陶弼詩絕似逸唐宋文鑑選其二首虔化縣
 云暖雪梅花野晴雷嶺石溪出嶺云天文離卷石人
 影背含沙李洞喻鳧可相伯仲

周敦頤 字茂叔營道人虔部郎中追謚元公濂溪集

香林寺別虔守樞公

公暇頻陪塵外遊朝天仍得送行舟軒車更共人山腳旌
 旆且從畱渡頭精舍泉聲清灑灑高林雲色澹悠悠談終
 道與愁言去明日瞻思上郡樓
濂溪集原註樞獻自虔州
 赴召舟至阜口同遊香林

寺石刻可考大成集以
 爲萬安香城寺非也

余靖 字安道合江人工部尚書始興郡開國公謚襄
 武溪集

送岳師歸贛州

千里起歸思，翛然物外身。海山經處霧，梅嶺到時春。藥更開新楮，庭應長舊筠。年衰重方術，聊此送行人。

謹吟五十六字，攀送仲求殿丞之任贛州，竊惟嚴君國博挂冠歸閒，而仲求兄弟爲鄰部守倅，其榮至矣。誠欲賦述詞不逮意。

一門纓組列西誰，又見雙旌並訓農。三釜親庭交祿養，夾河子舍接鄰封。洒蘭風雪催行色，吟際江山助筆鋒。我亦思親求郡彼，東湖南浦好過從。

黎冲吉

字漢儒，寧都人，袁州戶曹。

留題金精山

昔人鸞鳳已冲天，吳芮遺祠在洞前。氣勢徒知凌宇宙，干戈無力問神仙。謾輕龜玉傳王業，空得松杉接洞煙。一籌辛勤鑿巖穴，禹門千古事仍傳。

王汝舟

字公濟，婺源人，知虔州。

翠微峯

塵囂十里清，秀嶺半空插。縈紆疑無路，兩石開一峽。豁然見天宇，四顧皆峭拔。人門上石級，僂如登塔懸。巖置樓殿飛，棟相匿。匝徐行雲影動，低語谷聲答。仰視絕壁間，勢恐千仞壓。側身過幽谷，洞口若呀呷。仙英去何許，遺像寄

山脇浴池弄清泚不敢着腳踏願余倦遊者一宿借雲榻
天風吹夜籟客興亦蕭颯幽尋約重來吾屐常再蠟

胡時中 字伯正號東蒙居士寧都人

金精山

穀雨未晴天氣陰金精結客共登臨好風長渡野花馥流
水旋添幽澗深蕙帳已空聞鶴怨石壇雖在有苔侵仙凡
總屬黃梁夢空對前山話古今

王安石

字介甫臨川人左僕射觀文殿大學士荆國公諡文臨川集

送虔州江陰二妹

貢水日夜下日與章水期我行二水間無日不爾思飄若

鳥北心常在南枝又如岐首蛇南北兩相馳逝者日已
往百憂詎可追生存苦乖隔邂逅亦何時女子歸有道善
懷見於詩庶幾留汝車慰我堂上慈

王奇

字漢謀興國人殿中侍御史

題郡守李彝綠陰亭

得得幽亭近嶺梅綠陰名好稱多才四邊山色簷頭出
泉聲竹裏來

蘇軾

字子瞻眉山入龍圖閣直學士諡文忠

乞數珠贈南禪湜老

從君覓數珠老境仗消遣未能轉千佛且從千佛轉儒牛

推變化乾策數大衍道士守元牝龍虎看舒卷我老安能
爲萬劫付一喘嘿坐閻塵界往來八十反區區我所寄蹙
縮蠶在繭適從海上回蓬萊又清淺

虔守霍大夫監郡許朝奉見和復次前韻

大邦安靜治小院得閒游
頓水雨已漲廉泉春未流
同烹貢茗雪一洗瘴茅秋
秋思生尊罍寒衣侍橘洲
揚雄未有宅王粲且登樓
老景無多日歸心夢幾州
敢因逃酒去端爲和詩畱
舊篋藏新語清風自滿舟

贈虔州術士謝晉臣

屬國新從海外歸君平且莫下
簾帷前生恐是盧行者後
學過呼韓退之死後人傳戒
定慧生時宿直斗牛箕
爲算行年看便數生時到死時

次韻陽行先

室空惟法喜心定有天游
摩詰原無病須洎不入流
苦嫌尋直枉坐待寸田秋
雖未麒麟閣已逃鸚鵡洲
酒醒風動竹夢斷月窺樓
衆謂元德秀自稱陽道州
拔葵終相魯辟穀會封畱
用舍俱無礙飄然不繫舟

再用數珠韻贈湜老

嗣宗雖不言叔寶猶理遺
東坡但熟睡一夕一展轉
南遷昔虞翻却掃今馮衍
古佛旣手提諸方皆席卷
當年清隱

老鶴瘦能不喘和我彈丸詩百發亦百反者年日彫喪但
有犢角爾時來窺方丈共笑虎毛淺

和猶子遲贈孫志舉

軒裳大爐鑄陶冶一世人從橫落模範誰復甘飢貧可憐
方回癡初不疑嘉賓頗念懷祖點嗔兒與兵姻失身墜浩
渺投老無涯垠回看十年舊誰似數子真孫郎表獨立
戎交重閩深居不汝覲豈問親與隣連枝首秀傑英氣推

仁我從海外歸喜及崆峒春新年得異書西郭有逸民

世陽行先以
六隱訣見借

小孫又過我歡若平生親清詩五百言句

絕倫養火雖未伏要是丹砂銀我家六男子樸學非

時新詩詞各璀璨老語徒周諄願言敦宿好永與竹林均
六子豈可忘從我屢見陳

南禪長老和詩不已故作六蟲篇答之

鳳凰覽德輝遠引不待遣鵲鳩戀庭宇倏忽來千轉那將
坐井蛙而比談天衍蠹魚著文字槁死猶遭卷老牛疲耕
作見月亦妄喘東坡方三問南禪已五反老人但目擊侍
者應足蠶最後六蟲篇深寄恨語淺

明日南禪和詩不到故重賦數珠篇以督之二首

未來不可招過去那容遣中間見在心一一風輪轉自從
一生二巧歷莫能衍不如袖手坐六合都懷卷風雷生聲

效萬竅自號喘詩人思無邪孟子內自反大珠分一月細
緜合兩鬣纒然挂禪林妙用夫豈淺

朝來取飯化乃是維摩造全鋒雖未露半藏已曾轉說有
兩裴頴談無笑王衍看經聊爾耳遮眼初不卷三陀故自
醒一映何由喘請歸視故櫝靜夜珠當反安居三十年古
衲磨山蘭持珠尙默坐豈是功用淺

用前韻再和霍大夫

文字先生飲

自注謂
劉執中

江山清獻遊典型傳父老尊俎繼風

流度嶺逢梅雨還家指麥秋自慚鴻雁侶爭集稻梁洲野

闊橫雙練城堅聳百樓行看鳳尾詔卻下虎頭州君意已

吳越我行無去留歸途應食粥乞米使君舟

用前韻再和許朝奉

高門元世舊客路晚追遊清絕聞詩語疏通豈法流傳家
有衣鉢斷獄盡春秋邂逅陪車馬尋芳謝眺洲淒涼望鄉
國得句伸官樓恨賦投湘水悲歌祀柳州何如五字律相
與一尊留更約登塵外歸時月滿舟

用前韻再和孫志舉

人定者勝天天定亦勝人鄧通豈不富郭解安得貧驚飛
賀廈燕走散入幕賓醉眠中山酒結夢南柯姻寵辱能幾
何悲歡浩無垠回視人間世了無一事真酒掃古玉局香

火通帝闈我室思無邪我堂德有鄰所至為鄉里事賢友
 其仁之子富經術蔚如井大春蠅蠶楚南極淑氣生此民
 唱高和自寡非我誰當親譬彼嶰谷竹翦裁待伶倫俗學
 吁可鄙紙繪配芻銀聊將調癡鬼亦復爭華新願子事篤
 實浮言埽謔諄窮通付造物得喪理本均期子如太倉會
 當發陳陳

崔文學甲攜文見過蕭然有出塵之姿問之則孫介

夫之甥也故復用前韻賦一篇示志舉

象服盛簪珥豈是那夫人做衣破冠履可憐范叔貧君看
 崔員外晚就觀國賓當年頗赫赫翁嫗爭為媼

自注見退之贈崔員外

詩 贈贈阻風水橫斜挂邊垠青衫映白髮今似梅子真道

存百無害甘守吳市闈自言總角歲慈母為擇鄰邦人驚
 似舅矯矯惡不仁詩文非他師家法乃富春豈非空同秀
 為國產俊民挺然齊魯生近出姬姜親為文不在多一頌
 了伯倫清詩要鍛煉乃得鉛中銀自我遷嶺外七見槐火
 新著書已絕筆一嚙含千葶蕈桴和葦籥天節非人均時
 時自娛嬉豈為俗子陳

戲贈虔州慈雲寺鑿老

居士無塵堪洗沐道人有句借宣揚窗間但見蠅鑽紙門
 外惟聞佛放光徧界難藏真薄相一絲不挂且逢場卻須

重說圓通偈千眼熏籠是法王

虔州呂倚承事年八十三讀書作詩不已好收古今

帖貧甚至食不足

揚雄老無子馮衍終不遇不識孔方兄但有靈照女家藏

古今帖墨色照箱篋飢來據空案一字不堪煮枯腸五千

卷磊落相撐拄吟為蝸蛭聲時有鳥可句為語里長者德

齒敬己古如翁有幾人薄少可時助

贈王子直秀才

萬里雲山一破裘杖端閑挂百錢遊五車書已畱兒讀二

頃用應為鶴謀水底笙歌蛙雨部山中奴婢榻下頭幅巾

我欲相隨去海上何人識故侯

王子直去歲送子由北歸往返百舍今又相逢頓上

戲用舊韻作詩畱別

米盡無人典破裘送行萬里一鄒游解舟又欲攜君去歸

舍聊須與婦謀聞道年來丹伏火不愁老去雪蒙頭刺買

山田添鶴日廟堂新拜富民侯

次韻江晦叔二首

人老家何在龍眠雨未驚酒船回太白稚子候淵明幸與

登仙郭同依坐嘯成小樓看月上劇飲到參橫

鐘鼓江南岸歸來夢自驚浮雲時事改孤月此心明雨已

傾盆落詩仍翻水成二江爭送客木杪看橋橫

次韻江晦叔兼呈器之

橫空初不跨鵬黿但覺胡牀步步高自註器之言嘗夢飛自覺身與坐牀皆起

中一枕晝眠春有夢扁舟夜渡海無濤歸來又見顛茶陸

自註往往在錢塘嘗語晦叔陸羽茶顛君亦然多病仍逢止酒陶自註陶淵明有止酒詩器之少

時飲量無敵今不復飲矣笑說南荒底處所祇今榕葉下庭皋

寒食與器之游南塔寺寂照堂

城南鐘鼓鬪清新端為投荒洗瘴塵總是鏡空堂上客誰

為寂照鏡中人紅英掃地風驚曉綠葉成陰雨洗春記取

明年作寒食杏花曾與此翁鄰

器之好談禪不喜游山山中筍出戲語器之可司參

玉版長老作此詩

叢林真百丈法嗣有橫枝自註玉版橫枝竹筍也不怕石頭路來參

玉版師聊憑柏樹子與問鐔龍兒瓦礫猶能說此君那不

知

黃庭堅 字魯直分寧人秘書丞山谷集

顛上食蓮有感

蓮實大如指分甘念母慈共房頭臙臙更深兄弟思實中

有么荷拳如小兒手令我憶象趨迎門索梨棗蓮心政自

苦食苦何能甘甘煖恐臘毒素食則懷慚蓮生淤泥中不

與泥同調食蓮誰不甘知味良獨少吾家雙井塘十里秋
風香安得同裘子歸製芙蓉裳

陽孝本

字行先號玉巖顛縣人直秘閣

酬顛守二首

六槐何日起商巖未許蟠龍卧碧潭天下蒼生還有待郡
中善政卻無慚錦囊珠玉成唾咳綺席風雲出笑談千載
通天蒙品藻恐教虛譽滿江南
家世中條舊素貧塵編堆積漫續紛未甘末俗成虛老卻
笑勞生漫逐羣惟愛嚴陵灘上月還思巢父嶺頭雲問聞
莫怪衡門陋旌節從來有使君

朱

申

字維宣自號熙時子雩都人攝龍平尉

食粥歌

釣魚翁攝尉龍平替年罷局僦屋而居日一飯一
粥家人怪而嘆曰人皆二飯今以一粥易一飯無
乃餒乎余笑而語之曰顏魯公爲唐名卿合門食
粥顧忠義不及魯公者食之固宜後世縉紳有饗
餐而不知命一旦時移事殊求甘於粥不可得豈
不愚哉且余之爲粥異乎世俗味常怡然而興卓
筇竹之杖結卷雲之巾釋青氍之袍俛而持缶往
汲清泉命妻擇粟遣妾濯鼎呼女燃薪湯作蟹眼

而漸以徐下循循按籌而運之使離而不膠繼以
 鹽梅和之家人愕視曰此果何為哉余曰有道存
 焉譬若善為政者寬而不失於慢猛而不失於暴
 調變有方然後吾弼成矣余箕踞而坐妻女左右
 列酌飲而後已乃鼓腹而歌曰
 龍平江水清洋洋射山高兮秋葉黃釣翁落落兮棲山房
 借室人夸甘糟糠丈夫壯圖兮在四方道豈終窮兮業不
 彰芻蕘有謀兮懷廟堂一言而興兮悟君王榮祿不計兮
 德有常體地供殮兮何可忘

方 蘋 南康州寄

王大令 高 移需巖王隱居 鴻 手植木樨於郡庭賦詩

以贈和黃通判 巽韻

分將翠色來雲邑倏爾清風植府庭先生高臥何山見想
 在漁舟弄紫萍

孔武仲 字常父清江人禮部侍郎

寄四弟

贛水南邊地勢回層城中起鬱孤臺憶初二陸同登此喜
 有阿連相繼來舊事前遊休感嘆清風佳景且徘徊天涯
 未有相從日百里區區亦象雷

寄季毅 平仲

南北飄然各轉蓬佳辰無路笑言同銅陵縣冷更微雨白
鵲樓高來遠風糝剝雪膚明席上酒傾冰鑑徹杯中區區
羈旅無歡笑遙想華堂屢一烘

孔平仲

字毅父清江人金部郎中虔州刺史

和徐道腴波字韻

虔州作戲用人名

人橫玉管寧無意風入春江總是波把袂相牽招飲去夕
陽城外酒徒多

席上口授杜仲觀

虔州作戲用人名

暮雨蕭蕭何不止東風弄白起江波綠楊縮作同心結杜
子春來狂興多

楊

時

字中立將樂人徽猷親直學士謚文靖龜山集

送婁守楚大夫

象緯辰心次雒都水濁時徑天浮瑞彩絕代出英姿厚德
千金璧虛懷萬頃波霜蹄來漢苑雲翮上天池籍籍才猷
美皇皇使節馳飛書騰衆吻橫竄寘通達剖竹章流遠還
車蜀道巖

除成都憲以臺章罷得虔守

秦庭徒被指趙璧本無疵黃霸

初勤績裴公可範規惠流三郡俗名掩四賢祠大廈資梁
棟承祧賴鼎彝會須紆袞繡寧久駐旌麾畫舸行空挽甘
棠去益思烟波迎棹急江柳拂檣低賤士行藏拙參軍秩
序卑生涯唯蠹簡事業付毛錐懶情交圖病伶仃曼倩飢

曾甘同跛鼃不忍舍靈龜巧質難雕繪餘生辱品題寒荻
同暖律陰壑得晴曦終愧麈頭賤難酬國士知兩行淵客
淚感激自沾頤

張商英

字天覺蜀州新津人觀文殿大學士

金精山畱題

秦亡項滅漢罷兵分王宗室皆連城西方女子不用事張
氏有婦懷金精吳山之下吳水曲石鼓峰巒翠相矗山幽
水邃閨閣嚴二八芳年貌如玉吳王聞知心欲狂珠琲繒
纈羅千箱苦憑青翼致消息陳說富貴誇膏粱玉人冷笑
吾當許汝第爲吾開洞府洞成賦詩悲下土悲哉下土人
肯苦飄飄仙袂凌上蒼天街鼎畢騰輝光使回春
步日極五雲空斷腸吳王悵悵忽不樂入顧後宮情索寞
仙凡會合竟何年多謝君王鑿洞天

趙東林

金精歌

東風飛靈雨一洗桃李塵快馬紫遊韉來賞金精春連球
翠氣吹不動時作佛髻螺頭青剗剗天壁面削起中可建
旗坐萬人豁然呀呀怫然憑憑踴踴者爲虎豹几几者爲
窟城千年老狃學春吟白日龍雷藏樹陰蓮花峯下久無
路時有樵子攀藤尋丹光出屋水泔泔白鶴飛去棲桃林

桃今幾熟枝尚青石田王子無龍耕雲蒸甑腹爛青飯雪
凍地骨迷黃精靈君久矣鞭玉麟今作天上何公卿崖前
老竹屢生米夜有石犬當階鳴我亦三生家石鼓花落
開不知數人間魚沫吹秦橋漫有姓名刻洞府試爲靈君
覓杯水水中白晝青虬起便令紫霧生風霆一舉直上九
萬里

邵知柔 祭酒

東呂太學禎

當時欲殺尙憐才奏稿流傳讀轉哀一寸丹心朝士愕十
分頭白道州回沐京今日猶豺虎陵寢多年沒草萊聖主
不勝嘗膽恨先生無用鶴書催

謝

諤

字昌國號長齋新喻人御史中丞理學淵源二卷

追和邵祭酒東呂太學

艱危方見救時才一介儒生爲國哀六豕奸雄千古恨二
龍奔馭幾時回道州自分填溝壑天詔何煩賁草萊我識
先生心似鐵宸章莫便苦相催

劉子翬

字彥中太師齊國公諡文靖屏山集

讀曾吉甫橫碧齋詩

攜鉏引甕泉偶步松岡北冷然毛骨清楚尾見秋色稻氣
馥初涼檉陰淡微日緬懷小齊居櫺檻增岑寂曠度滅

聞微吟數峯碧若人端好脩軫駕動無跡深窮伊水源
 陟衡山極終焉憩孔林所樂惟自得延和數酌醪俯靜一
 編易向來辱傾輸洞見胷中白思親道匪伴既遠情不憚
 矧余質冥頑固未易刻畫尊生有遐心克己全無力以茲
 畏所知負疚常夕惕餘波倘時漸玉汝天其克

寄茶與曾吉甫

西焙春風一腔隔玉尺銀槽分細色解苞難辨邑中黔淪
 盞方知天下白岸巾小撥橫碧齋真味從底傾輸來囊歸
 界余一妙語三歲暗室驚轟雷

曾

幾

字吉甫贛縣人敷文閣待制諡文清有集

寄空同山中道士

昨夜新霜重念此山中客落葉聚堆牀暗蟲吟敗壁沈寥
 天宇肅疎林風瑟瑟曳杖挂詩瓢悠然適所適息心歸冥
 漠山深萬籟寂散髮排天闔咤叱鞭龍脊何時共採藥相
 與對晨夕月夜拉洪崖嘯咏經金石

魏了翁

字華父浦江人資政崇大學士追贈秦國公諡文靖鶴山集

送張匠監忠恕以秘閣知贛州

西南開氣忠獻公一生心事天與通才高志廣無處着獨
 倚衡門望京洛九州風露方漫漫養回殘夢歸餘干惟將
 一念遺孫子長與世間立人紀宣公端明今在無我生不

識慚非夫寧知中歲過行甫歷歷典型猶祖父試從微處
覬經綸中邊玉潔無纖塵大河滔滔恣羣飲遠巡獨惜障
泥錦曉庭戎仗暗無聲掣纓振鬣時時鳴京師邸吏自相
語張公立朝我良苦不知書疏何所言每一論奏人爭傳
好名之人能遜國而於豆羹見詞色反覆耐看不可瑕此
事無素能言邪我從同朝一千日見公造次皆是物寄聲
爲賀贛州民朝廷爲汝輟爭臣卻須更問蕭太傅中朝外
郡誰當慮

廖

剛

字用中順昌人徽猷閣直學士高峯集

虔州送知府石舜弼吏部

竭來臨撫未暮年五袴讜諳已藹然公道直堪平顛邪清
風那用挹廉泉飛帆便恐迷三島緩轡聊須選一錢最有
後車河上客夢隨旌旆神仙

周必大

字子充號平園廬陵人觀文殿學士益國公諡
文忠益公文選

送劉子和教授赴贛州

籍甚詩書帥中和正爾歌人出河內寇帝念禁中頗餘事
衰丁志多聞重恩科因無官長罵解使客體多

陸

游

字務山陰人寶章閣待制渭南伯劍南渭南
二集

別曾學士

兒時聞公名謂在千載前稍長誦公文雜之韓杜編夜輒

夢見公皎若月在天起坐三歎息欲見無由緣忽聞高軒
過歡喜忘食服袖書拜轅下此意私自憐道若九達衢小
智忘鑿穿所願瞻德容頑固或少痊公不謂疎狂屈體與
周旋奇氣動原隰霜日明山川匏繫不得從瞻望抱悵悵
畫石或十日刻楮有三年賤貧未即死聞道期華顛他時
得公心敢不知所傳

寄酬曾學士學宛陵先生體比得詩云所寓廣教僧
舍有陸子泉每對之輒奉懷

庭中下午鵲門外傳達書小印紅屈蟠兩端黃蠟塗開緘
展箋紙滑細疑卵膚首言勞良苦後問逮妻孥中間勉以
仕語意極勤渠字如老瘠竹墨淡行疎疎詩如古鼎篆可
愛不可摹快讀醒人意垢癢逢爬梳細讀味益長炙轂出
膏腴行吟坐卧看廢食至日晡想見落筆時萬象聽指呼
亦知題詩處綠井石髮巖公閒計有客煎茶置風爐倘公
無客時濯纓亦足娛井名本李疵思人理豈無足然及賤
子愧謝恩意味幾時得從公舊學鉏荒蕪古文講聲形誤
字辨曾魚時時酌井泉露芽奉瓢盃不知公許否因風報

何如

送曾學士赴行任

三月侍燕觴紅杏寒未拆四月送入都杏子已可摘流年

不貸人俯仰遂成昔事賢要及時感此我心惻欲書加餐
字寄之西飛翮念公爲民起我得怨乖隔搖搖跂前旌去
去望車軌亭障鬱將暮落日淡陂澤敢忘國士風涕泣效
臧獲敬輸千一慮或取二三策公歸對延英清風方側席
民瘼公所知願言寫肝膈向來酷吏橫至今有遺螿羅織
士破膽白著民碎魄詔書已屢下宿蠹或未革期公作醫
和湯劑窮絡脉士生恨不用得位忍辭費并乞謝諸賢努
力光竹帛

朱子

字元晦婺源人煥章閣待制贈太師追封信國公謚文晦庵集

寄題梅川草堂

卽篔簹谷

滄波流不極上有一畝園幽人掩關卧修竹何娟娟虛堂
面羣峯秀色摩青天靜有山水樂而無車馬喧人言市門
子往往蒼崖巔揮手謝世人日中翔紫烟遺跡尙可覩神
交邈無緣慨然一咏嘆曜靈忽西遷褰裳下中沚濯足娛

清川

羅願

願

號存齋新安人鄂州太守鄂州小集

送贛州守施司諫奉祠歸吳興

去國二十里叱馭良已勤到官一百日啜菽念所欣使君
豈常流早歲承華勳嶠首有故步天香帶餘熏時清省諫
紙符竹亦再分屬者寇雖除遺民尙驚麋公來鈴江右喜

氣感三軍下檐見施設果蘇雕瘵羣天姿夙已高沉復勇
所聞屬縣但期約訟庭無放紛村團不識吏處處飽羹芹
生女戒勿怒減輸勸其耘惠術頗次第歸心已鄉粉小子
謬從師頗嘗侍朝曛從容進逢掖慘澹立紅袞中坐耍娛
客所陳金石文行裝遂如此何以充棟斲人事與天意嗟
予豈須云來攜諫坡雨去開崆山雲多公能摧剛聖處已
策勲行藏吾有命所願不忘君

送辛殿撰自江西提刑移京西漕

峨峨鬱孤臺下有十萬家喧呼隘城闕戀此明使車憶公
初來時狂狡嘯以譁主將失節度玉音爲咨嗟一朝出明
節繡衣對高牙持斧自天下荒山走矛叉光騰將星魄杜
矢失驚蛇氛霧果盡廓十州再桑麻恩令撰中秘天筆有
褒嘉辛氏世多賢一姓古所誇太史善箴闕伊川知辭華
誰歟立軍門杖節來要遮亦有救折檻叩頭當殿衙英風
雜文武公獨可肩差佩玦善斷割揮毫絕紛葩時時有縱
舍惠利亦已遐京西故畿甸傍塞聞悲笳明時資餽餼豈
減漢褻斜勿云易使耳重地控荆巴三節萃一握眷心良
有加古來居此人愛國肯雄誇羊祜保至信陶公戒其奢
安邊有成畧此道未全賒公今有才氣功名安可涯願低
湖海豪磨礱益無瑕凌烟果何晚猶有髮如鴉

劉辰翁 字會孟廬陵人濂溪書院山長須溪集

寄章貢姚別駕

穎濱當日血成川誰肯身馳不測淵尺檄約降諸峒謦單
車擒叛一城全帶刀俗染惟新化橫槊詩刊第幾篇想與
元龍談世事亦憐疎拙老林泉

寄姚使君

虔在西江尤鉅麗極知君相選侯難昔多法從懷州絳今
少詩人上將壘斂戍官兵申拆洗放衙候峒報平安衰頽
欲納轅門謁紅幃崆峒臘雪寒

曾興宗 字光廷寧都人肇慶推官

簞管山

涓川千畝竹可比萬戶侯我有簞管谷此豈為食謀爾山
與北山清絕真勝遊飛泉動蕭爽怪石淙清幽娛親自足
樂捧檄良可羞日從抱節君崎嶇經林邛有酒對爾酌得
句為爾詎其結歲寒心肯學炎涼儔笑指親密友不獨王

子猷

崔與之 字正子增城人右丞相南海郡公諡清獻菊坡文集

題金精洞

翠壁丹崖倚碧穹一壺天地畫圖中青鸞有路三山遠玉
洞無塵萬境空虛室尚留丹竈冷靈泉直與海波通客遊

到此應忘返自覺仙凡迥不同

柴秘書分符章貢同舍餞別用蔡君謨世間萬事皆
塵土畱取功名久遠看之句分韻賦詩得世字

玉立蓬山巔聲望高一世清秋玉壺露耿耿無纖
屹砥柱愈激而愈厲平生學古胸非爲資身計中邊事萬
殷命脈實關繫憂世危明主誰流洛陽涕直諫逆批鱗言
言皆獻替胡爲厭承明退飛勇且銳有山鬱而孤雄踞虎
頭勢民貧困科擾摧剝已無藝猩獠叢篁中跳梁無虛歲
弄印無以易要起百年弊西風吹馬耳新涼雨初霽天札
雷先聲遠氓已懷惠旌旗簇小隊畫戟森兵衛一方覆盂
安中原誰共濟顧我亦漫仕空山老松柱勸海作歸夢乞
身尚濡滯着鞭公已先脂抹以相繼

戴復古

字式之黃巖人石屏詩集

遣書問訊李敷文

憶作南州客歸來東海濱尚懷憂世志忍說在家貧老作
山林計夢隨車馬塵鬱孤臺上月無復照詩人

訪蒼山曾子實

故人子曾子居處近金精福地佳山水詩家老弟兄十年
重會面一笑最關情萬象亭前月今宵爲我明

送黃教授日巖之官章貢

久矣聞名不相識江湖還有見若時出人意表發高論入
我眼中多好詩欲對春風笑開口不看世事上愁眉憑誰
寄語謝安石莫爲蒼生起太遲

時召崔丞相不出

贛州呈雪蓬姚使君

白旗走報山前事昨日官軍破綠林千里人烟皆按堵一
春農事最關心不知郊外雨多少試探田間水淺深翠玉
樓中無限好可無閒暇一登臨

贛州上清道院呈趙雪蓬

短牆不礙遠山青無事燒香讀道經時把一杯非好飲客
懷百醉不宜醒

蕭飛鳳

送劉孝廉之任寶昌分教

涼風嫋嫋雨疎疎秋至關河白雁初承詔北來光盛典拜
官南去重名儒花林載酒春游處竹館橫琴夜講餘濟濟
英才宜教育好將詞賦擬相如

游 卮 字憲武寧都人

金精山

縹緲鸞鳳金屈盤秦釵漢鬢香漆寒洞庭波橫嬌不起舞
娥拂桂棲孤鸞寶符纈色元官闕碧峽瑤草春漫漫霜刀
如泥割蒼玉綵綃綺閣白日閒楯花紅飛洞雲溼驚雷挾

空老虬泣崖丹紅落霞不流縞衣丹使杓衡急石髮流漿
翻柱礎若水液橫天上乳西方七宿欖槍熒長沙地遠豐
鐘鳴

戴

昂

字景明黃巖人贛州法曹參軍東莖農歌集

辛丑九日被檄視撈遂爽同官飲菊之約夜宿荒驛

風雨達曙

孤負重陽約愁懷不肯寬郵亭一夜雨客枕五更寒脚健
從渠老心低到處安獨行誰可語時把古詩看

陳宗禮

號千峯南豐人知贛州

偕彭雅林游翠微卽席求和

往事鐫鏡一夢同遊人聊此可從容神仙已逝境猶在洞
府雖深戶不封閱遍古今雲木老洗空塵土石泉春此懷
清白堪超世何必星精特地逢

危逢吉

送柴中行出守章貢

力爲君王乞得州補天未了石遺收人才自繫國輕車吾
道亦行無去畱殿角纔辭槐影日船頭便轉荻花秋競誇
祖帳東門外誰識行車卒未休

高

照

字雪厓

金精山

金精寂寂真勝境門鎖松杉風月冷跨鶴仙姬去不來白
雲一片封丹井

張廷薦 字月山寧都尉

紀遊

馬行諳舊路鷄唱認層巔洞口有桃處江村欲雪天熏爐
香琬刻洗杓汲靈泉我愛長留此山深日似年

文天祥 字宋瑞廬陵人右丞相信國公文山集

清江何漢英再見於空同讀歐陽先生詩感慨爲賦
采芝雲滿山采檠瀑垂澗當年有清澗爲寄南來雁雁去
人已逝歲月割云晏流水失聲音西河老憂患往日志士

悲窮途行子慣君爲梁宋遊我復江漢宦十年耿相逢千
里欠一盼元機寄糟粕美疾墮芻豢贈子歸東方聊薦吳
興莧

送曹倅巖山官滿歸里 名大發韻倅

春陵光霽落蒼苔萬水神仙立翠槐萬里雲霞麟曠路三
年風月鳳凰臺興同老子復不淺歌曰先生歸去來庾嶺
梅花開漸徧一枝就與寄蓬萊

和前人賦別二首

翠松三萬頃松雪著神仙柳院誰金輪江花送玉鞭曉巖
雲壁立晚棹浪規圓未了醉翁事重尋頰上田

當年童子見今見二毛翁海月三秋別江雲一日同鷗心
馳舍北龍尾曳天東定有延和奏南來寄一通

趙師俠

字介之沐人信豐令

舟行顛石中

調寄滿江紅

煙浪連天寒尚峭空濛細雨春去也紅銷芳筵綠肥江樹
山色雲籠迷遠近灘聲水滿忘嬉阻挂片帆掠岸晚風輕
停煙渚浮世事皆如許名利役驚時序歎清明寒食小
舟爲旅露宿風餐安所賦石泉榴火知何處動歸心猶顛

字烟中無杜宇

揭傒斯

富州人侍講學士諡文安

題歐陽龍南所藏雙龍圖

七十待罪奎章閣羣玉府中光璀璨就中董元出熟圖萬
物如覩聖人作天昏地黑雷雨垂魚鰕盡逐神龍飛飛流
上天灑天風絕壑似與天河通山開石裂電火紅萬木顛
倒助豪雄先皇一覽驚且愛高懸長與御榻對真龍已入
白雲鄉空有畫圖今尚在何處飛來兩神物開卷淒然滿
頭雪

題歐陽龍南所藏羅稚川秋江晚景

弱齡習邨曠隨景慕追游散策步龍阜揮袂陟高邱仰送

微霄翻俯鏡清川流攀條賞韶穠折穎弄芳柔湘南擬詞
 賦江左狎吟鷗不識年歲邁詎貽軒冕羞一從黜仕版羣
 憂積岑樓朝隨車馬塵暮與形影儔雖荷明主知百志靡
 一酬懷祿已云忝抗迹豈末由流電三十載回腸幾萬周
 朱顏日去面白髮日滿頭君子委練素丹青含嶺秋寒蘆
 被在渚橫靄澹長洲草樹一搖落鳧雁各飛浮亂石夕流
 駛空郊朝景收庶類趨晏暮孤生增隱憂覽物因有觸流
 詠慨前修

黃 潛 義烏人翰林學士

送龍南歐陽縣尹

絲綸閣下半同袍獨上南船去莫招出幸不嫌官俸薄還
 家未覺驛程遙長溪白日晴雷轉深洞黃茅毒霧消想是
 行春有佳句坐令遠俗變風謠

張尚瑗曰歐陽尹名朝萬載人遊夏果齋門歷通山
 龍南二縣尹以文章名世學者以事果齋禮事之此
 得之袁州府志而揭文安黃文獻皆與唱酬遊好則
 其人可知矣龍南志不入名宦傳非其政蹟無稱乃
 載筆者之闕也附著於此
 龍南志按歐陽尹政蹟失考無從立傳

虞 集

送郡博林雙梧赴虔州時以作縣改官

酌酒送君暑雨中客蹤何事逐飄蓬風波世上真難料等
 瑟人間若最工來去有期憐社燕翻飛無意愧冥鴻故園

咫尺隔萬里安得行吟時杖筇

元明善 字復初大名清河人翰林學士清河郡公諡文敏

送董慎齋左丞討賊

負劍先驅意氣閒也勝跼踖著儒冠古來每勝從軍樂此
處不辭行路難使節再臨民志定兵烽一舉賊心寒書生
効力奮馳逐要寫功名久遠看

薩都刺 雁門人南臺御史

章貞道中

多情明月落船旁萬里孤城望帝鄉客裏已無金馬諾篋
中猶有賜衣香嶺南地溼家山暮天上風微殿閣涼憶得

當年曾夜直玉龍銀箭漏聲長

貢師泰 宣城人戶部尚書

送連子奇歸隱贛州

薊門風冷白鷺來萬里孤舟一日開去路定過彭澤縣到
家重上鬱孤臺煮茶林下收黃葉理釣磯邊掃綠苔太史
明朝占處士少微依舊傍三台

劉永之 臨江人

曾友人之章貢

秋雨正冥冥秋風何淅淅酌酒送行人憂思坐填積黃鶴
不可馴飛蓬易相失幾日對崆峒蒼洲渺何極

郭鉅 吉水人

和答銓弟

別來兩見春日滿愁思誰云春夜短十八灘頭鳴棹歌吳
 姬勸酒銀瓶暖中江開帆先到家意濃不計歸程賒但云
 老兄久埋沒詩句何得隨飛槎諸公傳誦無新舊相憐自
 是平生友事業青雲如鼠肝文章白髮羞牛後長年凍餓
 茫無涯不敢仰天生怨嗟先生歸去且種菊詞客愁來空
 餽瓜

周震震 安成人

感遇

病髮梳頻減愁根日夜深世方迷貨色天未厭風塵臣分
 誰憂國君心本愛民歲寒餘勁草酒血賴江濱

伯顏 姓孫氏字元晉寧都人肇慶路總管

七哀詩

我友我友兮全公海公愛我愛我兮人誰與同惟公高節
 兮寰宇其空百戰一死兮偉哉英雄嗚呼我公兮斯酒斯
 酌我魂我魂兮惟公是託

劉詵 字桂翁廬陵人桂隱集

贈蕭克有赴興國稅務

小駐青雲九萬程塗商里販樂寬平古來關市多賢哲盛

世舟車少算征雨漲玉虹灘石減春深金鯽郡池清看山
攜酒吾曹事定有新詩許共評

贈胡履平偕克有之興國

主賓二美古稱難笑語輕舟十八灘幕有仁言官政善士
從知己旅懷寬文章不肯時科試山水元須勝士看想見
鬱孤吟賞舊渚煙汀樹滿毫端

劉堦

丞相都督信國文公

時平輒棄置事迫甘前驅嗚呼忠義臣匪直科目儒江寒
朔政急列城同一憂豈不願領安綱常乃當扶移櫬倡諸

鎮奮袂躬援抱川決莫我回萬險棲海隅天平復不濟道
窮竟成俘一死事乃了吾頭任模餽悠悠譏好名責人無
已夫三衢有魁相投老作尙書

夫三...
 一...
 二...
 三...
 四...
 五...
 六...
 七...
 八...
 九...
 十...

卷七十四

章州府志卷七十五

藝文志

詩

明

汪廣洋 字朝宗高郵人右丞相忠勤伯

使顧諭熊天瑞

舟行到顧數千里江聲瀉碧山綢繆將崩未崩斷岸欲

雨不雨晴雲浮謝公自足生平願司馬真成汗漫遊明日

旬宜應有暇鬱孤臺上望南州

題瑞菊詩卷後 并敘

密里沙元之故帥也嘗仕於吳種菊數百本詩友
宜惠作詩稱其美余亦綴書卷末後兵革四起奔走南
北聲問無聞焉甲辰冬余承王命開諭贛州乙巳
春守臣熊天瑞附順入城召父老故官宜以上旨
有龐眉皓首年幾八十者立於衆中叩其從惠乃
知爲密理公亦不記余爲誰何訪故篋得詩文一
軸悵然追思已二十年矣卷中詩文名字炳然手
蹟如故但不知存者今幾人臨風拜觀涕泗交集
遂賦此以記歲月云

我對青山倦著鞭君垂白髮賦歸田偶來把臂三千里卻
憶題詩二十年零落親朋逢亂日蕭條松菊委荒煙臨風
展玩長揮淚漫想當時思惘然

贛上

贛江流出萬山溪雲霧蒸蒸動鼓鼙沙暖迴無鴻雁到山
青偏有鷓鴣啼霜餘榕葉凋何晚雪裏梅花綻已齊氣候
固殊聲教遠會詢蠻獠及雕題

贛城水東

煙江水花淨風潭雲樹齊倒籐懸宿鳥絕壁挂晴霓岑嶺
步忘返空冥思欲迷塵纓如可澣予亦賦幽棲

李克正

送呂君采史北平

三月烏啼海子橋南來使客下青霄雲埋石室丹書在月
落延秋翠輦遙麟史未全歸聖代龜文猶得認前朝詞臣
載筆需文獻莫遣回音久寂寥

胡

翰

字仲甲金華人衢州教授

送呂君采元史北平

又見陳農去遙臨析木墟山川游幸後文獻亂雜餘備極
傳聞異歸從直筆書百年殷監在盡獻玉階除

蘇伯衡

字平仲金華人翰林編脩

周伯寧春晴江岫圖爲呂仲善題

尚書襟懷絕瀟灑揮毫往復凌董馬平生一筆願自珍數
尺新圖爲君寫齊山遙接吳山青碧波萬頃孤帆征東風
綠遍汀洲草總是歧亭離別情一向江南一江北離情浩
蕩嗟何極正如江上之碧波縱有并刀那翦得當時已足
令心愁如今況復隔羅浮掩圖卻入高臺望但見遠海逆
天流暮歸朝出誰與侶蜃霧蠻煙結悽楚木綿花落鸚鵡
飛苦竹叢深鷓鴣語

劉

崧

字子高秦和人國子司業

再懷仲兄子中時有同客輿國者從間道先歸兄以
道阻後期不果

貧賤輕離別艱危昧死生獨違同里伴仍阻異鄉程愛想
深山憩愁聞閒道行幾時秋樹下慰此淚縱橫

送吳明理歸贛州寓舍

江上芙蓉作錦紅飄飄歸棹趁西風亂山出在浚濤外石
室猶迷煙霧中四海交遊春夢遠十年流落壯心雄迴思
昨日登臨處樽酒寒花孰與同

題平川雪霽圖爲張用可縣丞賦

南天北風暗吹雪川上遙峯互明滅雲陰欲墜曉光迷河
流不動層冰結魚龍下蟄深澤冷鴻鵠啼餓眼流血千邨
禹洛連蒼莽驚沙杜樹相淒切行人稀出彀手足悵望林

居總愁絕我家逸在武山東屋前石岸多青楓野橋渡溪
沙路遠皆與此圖風景同窮年念此政欲返寒色恍入虛
庭中長鑱鬪藥崖谷滑短褐負薪環堵空閉門且爾暫投
息曾見日出光矐矐

題山水圖贈興國高多營將黃進賢

遠山亭亭削蒼玉近山盤盤出平麓林生作此最奇絕白
日高堂坐空谷谷中出雲雲上天深林曲澗迴清妍綠蘿
初挂紫巖兩碧樹盡含秋浦煙北屯將軍舊知己看畫尋
幽心獨喜爲卷牕開一片雲送君更渡藍陂水藍陂山前
霜葉黃亂峯刺天如劍鏃何當盡掃豺虎穴與子巢雲歌

鳳原

出長逕藍陂

行人三五渡回溪亂後人家井竈迷蒼耳黃蒿無路入斷垣細雨鶉鳩啼

寄題曾昌陳氏近邨小隱

潁川太邱賢子孫卜宅湘川還近邨斜日數尖山入座清風幾個竹當門載酒每聞佳客至卷書時共野人言若爲攬袂去城郭遠訪桃花流水源

秋夕懷一兄及四舍弟時俱客興國縣山川修阻音問邈然

言謫無家別三人各遠方已嗟甘旨薄翻覺道途長激水風湍白瑤岡霧樹蒼書來定早晚莫遣雁相將

好在程溪上月高愁掩扉也應念行客獨此對清輝細草露初白高河雲正稀庭前紫荊樹歸夢故依依

陪陳尹飲江上雨過夜歸明月賦此

渡江雲斷橋把酒風振袂芳園逐幽尋良友適遠至諧談具云歡酬勸忽已醉一雨洗塵襟千山拂涼翠柘林旣迴薄蘭渚復延企月轉城門東蕭蕭送歸騎

畱別方邱生

道人手抱玉芙蓉身著蒲衣瘦似松錦水市中行賣藥金

鷄嶺下坐聞鐘養來乳犬能馴虎放得神魚解化龍塵上
滿懷還惜別何年笙鶴定相從

贈別鍾舉善遊贛遂之汀州

蜀桐吳絲噴雙竹四座佳人美如玉鍾郎半醉起就別杯
行苦遲聲轉促高堂列筵當翠微惜別更舞古蘿衣雲光
霞色酒中墮風觸歌塵梁上飛君行贛灘卜八重臨行挈
以登嶮峒萬山如浪壓城郭鬱孤正瞰江流東兩峯盤盤
石爭長東江入閩西入廣鹽花雪白荔子丹天上船來海
風響君家媚媚好弟兄況有詞翰齊清名出門相逢一爲
別感我無限幽居情山中香秫秋熟時苦無蕨筍池魚肥
我在南溪小樓上調歌釀酒待君歸

賦得水作玉虹流送子啓之贛

贛江不可極雙注碧雲中出峽幾千丈青天垂玉虹繫船
沙磧雨挂屏石潭風八月尋源去相思秋樹紅

出社下嶺望九洲流波稻田可愛

渡嶺望平田人家隱翠煙邨墟自鷄犬風物似神仙晚樹
依沙立秋秔帶水眠幾時驅兩犢投迹此安塵

送羅尚德之贛州

此日垂楊樹維舟惜遠行水生羊角渡春盡虎頭城學律
寧無術飛書早有聲十年趨幕府憔悴愧高情

章州府志 卷七十五 寄贈陳侯短歌并柬項性高陳宗舜

陳君昔尹興國時爲政喜尚清而夷訟庭無人山鳥下吟
嶺且挂甘棠枝聞君佳譽喧兩耳玉樹亭亭照秋水至今
父老稱誦之滿縣春風送桃李錦袍羽箭烏角弓身騎官
馬如飛龍只今出入宰相府帳下貔虎皆驍雄羨君多才
仍好武輕騎能衝陣如雨酒酣肝膽向人傾起拂吳鉤坐
中舞我有狂客陳邨民爲言昔者長相親幕賓況有項文
學安得一見清心塵激江沙晴秋草綠卻望崆峒歌伐木
王郎定棹酒船過我行不歸將奈何

將歸南平賦別羅斗明

五月辭滕閣南船遇北風故人一相見乃在天湖東
無數垂楊樹執手殊鄉驚忽聚迴歌沽酒豫章樓且復維
舟爲君住憶我往年遊潏川城南日出花如煙龍王潭上
釣秋水六傳巖前聽瀑泉洞門盤盤萬松引更愛靈山石
如筍當鷗題句最思君南海雲濤隔飛隼何年海上卻東
歸樓息菴岡掩素屏春雨歌殘紫芝曲秋風吹老綠羅衣
南州謫忠風塵起躍馬提兵從此始野狐不敢向南號寶
石峯前陣如蟻知君卓犖負奇才離亂相逢心眼開繡衣
使者入閩海攬轡定覓君同來龍沙吹雪日欲落旌陽仙
居久寂寞人生富貴徒爾爲須把高懷付酣酌我有古劍

青芙蓉起舞莫惜千鍾空明日開帆上江去思君卻望水
西峯

聞韻已被圍而東固大阮又合兵攻興國有懷伯氏
子中寓韻縣之禮原阻亂不得歸

歎息荆花樹今年好遠遊路從兵後斷書是亂前收漂泊
從誰問艱危信自謀時時驚夢見不解說離愁

劉貴一

竹橋夜泊

維舟夜泊竹橋西隔岸人家柳映扉回首不知何處去夜
深都逐釣船歸

將出都門和藩王見懷韻

平臺跋履憶當年榆莢楊花四月天授簡每慚枚叔賦耽
詩獨寄楚王賢寒嘶匹馬春城外晴落孤鴻魏闕前南去
虔州千萬里蘇門章水各風煙

由會昌汀口分路之寧都賦別五弟

湘水梅川此路分東風杳杳惜離羣扁舟途上幾時到獨
雁哀鳴何處聞積雨已生三峽浪亂山仍隔萬重雲眼前
飄泊誰能耐猶恐親庭念遠勤

青山黃葉幾時歸南上獨憐音信稀老大庭闈終在念艱
難弟妹且相依荒涼野日行人淚縹緲山風遊子衣力學

承家應賴汝暫時分手莫相違

陳謨

字一德號心吾秦和人海桑集

和友人韻

霜林紅葉有妍華出郭幽尋興自賒蒼耳草深非故道牽
牛花好是誰家鷄羣野鶴稻中散鵬背天風蔡少霞邂逅
平川同途旅時時踏屐響晴沙

劉郎清賞何乃違休日復自扃柴扉橋邊無人禮黃石天
上有星尊少微薜荔暗侵楊子宅鷓鴣長占少陵磯日斜
桐葉題詩罷頭戴寒鴉緩緩飛

周是修

秦和人號龍蟠官紀善芻蕘集

鍾小吏

忠臣必世有烈女何代無倬彼鍾小吏忠烈夫婦俱生同
室廬死同穴此心一誓永不渝奈何一朝遭喪亂六合四
海馳兵車湘南草賊威頗振湖廣舟師氣尤麤據袁陷吉
旋破贛百官竄匿民剪屠驅令降服共剽劫軍中指點煩
所圖鍾文大罵惡賊奴肯將麟驥隨牛驢忠肝義膽瀾激
烈賊乃盛怒劊其軀其妻見之亦號呼投井仗溺從其夫
後來死者亦無數堅剛真節誰能如我朝開國天所命我
皇建業地所扶大軍晝夜急西土神收電掃不足除春風
熙熙轉寒谷甘雨沛沛充旱墟危者以安流者止惟有死

者無由懸獎哉鍾文不可得死去當隨巡遠居傷哉其妻
亦莫得列傳所載皆相逾借令國史一遺落此人此死真
何辜此人此死真何辜一為鍾文歌只且奸諛比比穢青
史可滅鍾文夫婦歟

送人之章貢

章江幾千里瀉出碧雲間之子扁舟去何時故國還煙波
春思渺島嶼夜天閒望望乘槎者高風不可攀

呂

復

字仲善號易窗興國人太常寺丞諡文恭

章貢聞析

翠玉樓前聞擊柝離情應向此中分遙知孤枕金陵夜還

憶今宵月下聞

解

縉

字大紳吉水人侍讀學士解春雨集

與凝節去興國

平川學遠冬青樹去逐青箱賦子衿受業幾年知寸益
親一飭值千金瓊樓桂月烏啼早廬阜松雲雁去深遙想
扁舟同處處不堪迢遞更追尋

羅賓王

春日送友人入虔州

旅雁歸不盡春風朝又過東郊一以別青草更如何客舍
炊榆火征衣換越羅關河莫回首楊柳暮煙多

楊上奇

字人和泰和人華蓋殿大學士諡文貞

送張鳴玉贛州知府

北闕捧恩榮西江戒驛程悠悠驅五馬冉冉度雙旌政得
虔人愛心知顧水清崆峒千丈碧應勒使君名

同邑令邵子鏡祈雨

南邨北邨煙接煙東皋西皋田復田一犁兩犁夜來雨二
月三月春深天倉庚飛來樹上鳴黃犢歸去花間眠但願
夫公雨復雨大庇天下皆豐年

夏

寅 華亭人山東右布政使

虔州懷古

宋家後葉如東晉南渡虔州益可哀母后撒簾行在幸相
臣開府濟時才虎頭城向江心起龍脈泉從地底來人代
興亡今又古春風回首鬱孤臺

李東陽

字賓之茶陵人吏部尚書贈太師諡文正

送方司訓之贛州

度嶺沿溪十日程半生心事此功名從今不作思鄉夢月
調風絃夜夜聲

邱

濬 瓊州人大學士

禽言

行不得也哥哥十八灘頭亂石多東去入閩南入廣溪流

滿駛嶺岷峨行不得也哥哥

金兵追宋隆祐斥至章貢幾及宋人詞曰天晚正愁予春

山啼鷓鴣蓋言行不得也

董

越

字尙矩寧都人南京工部尙書謚文僖圭峯集

送郭時會還贛

迢迢贛江北雲泉古名鄉畚田亘阡陌民業惟耕桑巨石障急流嘉樹連崇岡筌蹠足鮮食採掇供薦嘗四郊樂閒暇鼓腹歌虞唐所以百餘年罕用賓于王時維屬冬暮雨雪方其雩有客忽過門肅容整冠裳問之誰氏子爲言派汾陽良富吾所居門亦通舟航先人重交際君子時登堂平生友義心閒亦存篇章獨此身後名庶發幽潛光懷中

出短簡涕泗紛淋浪志欲託一言樹之墓道傍我聞重歎息欲答會未遑忽有詩筒來讀之聲琅琅始知少年志亦欲登詞場多事逼衰餘此意深渺茫茲遊豈云浪志願俱已償人各重所生爲性因天良願君慎終始化俗歸淳龐罔俾謂贛人居然足稻梁

送羅通判赴贛

新乘別駕古虔州一望先將勝槩收山繞玉虹流作帶沙分圭角壅成洲孤臺愛李增華扁八境勞蘇憶壯遊獨有春陵遺蹟泯憑君相約一搜求

送楊上舍還桃江

廿載寒榮共夜窗清才會見重鄉邦南山霧雨文初露北海風雲志未降子佩青青辭璧水仙舟冉冉望桃江填門賀客何勞謝酒熟牀頭正滿缸

送王敬之舉人還朝

君不見崆峒山老樹擎雲根鐵蟠風聲震撼出林杪六月
髣髴驚濤寒又不見章貢水波濤鱗鱗石齒齒激射奔流
不甞停一日輕舟忽千里水生以漸理有常混混源泉自
濫觴拱把栽培始尋丈盈科百折斯汪洋魚龍變化須春
暖梁棟原來生峻坂有額從來數去頻大材自是成來晚
南風初薰柳初綠鑪頭競喚新荔熟黃鸝隔樹春聲嬌瘦
馬官途四蹶蹴送君遠出東門道久出歸心忽如擣萬里
松楸夢裏逢數莖白髮塵中老君車我莫挽我酒君莫辭
羊腸懸盡始平地人生出處皆如斯鴻毛順風一颿駛楸
楠橫絕江之浹斲削何憂少梓人懽呼且得閒舟子看君
重來亦如此

送劉上舍歸興國

碧梧脩竹秀娟娟共說名家有後賢璧水且聆揚子鐸雲
衢還著祖生鞭離亭木落秋風後古道楊垂夕照邊歸拜
爾翁應念我爲言雙鬢欲皤然

鍾璫

字良玉號西坡永豐人咸寧知縣蚤秋漫稿

王戊九月入信豐十五夜月色如晝詩示行實時同
舟也

秋山未老尚青青秋氣蕭森夜氣冥千里好風行不盡一
船明月睡初醒水中星動天疑墜匣裏龍吟劍是靈自信
江湖甘白首詩成誦與阿咸聽

文程 清湘人龍南知縣

自客冬至今壬申翁源寇起逼我疆界鄉民洶洶余
往安戢之及旋父老以酒追送殊憐其苦不能爲飲
登舟書此以識時事非敢言詩也

肩輿曉發東桃嶺熱水扁舟冒雨開沙鳥衝帆過岸去
民送酒逐江來兵戈到處鷄豚盡烽火明時老稚哀農事
未興春已半可能向汝復銜杯

馬 鉉 山陽人贛州府同知

龍南道中早發

早發龍南道東方欲曙時僕夫三尺劍行李一囊詩林密
雲封暗山高日上遲前邨煙火近駐節借晨炊

王守仁 字伯安餘姚人兵部尚書新建侯諡文成

丁丑二月征漳寇進兵長汀道中有感

野客平川非所長也提戎馬入汀漳數峯斜日旌旗遠一
道春風鼓角揚莫倚貳師能出塞極知充國善平羌瘡痍

到處曾無補翻憶鍾山舊草堂

回軍上杭

山城經月駐旌戈亦復幽旗到薜蘿南國已忻回甲馬東
出初喜出農蓑溪雲曉渡千峯雨江漲新生兩岸波暮倚
七星瞻北極絕憐蒼翠晚來多

還嶺

積雨零都道山途喜乍晴溪流遲渡馬岡樹隱前旌野屋
多移竈窮苗尚阻兵迎趨勤父老無補愧巡行

借山亭

昔山亭子近如何乘興時從夢裏過尙想清池環醉影猶

疑花徑駐鳴珂疎簾細雨鐙前局碧樹涼風月下歌傳語
諸公合頻賞休令歲月亦蹉跎

茶寮紀事

萬壑風泉秋正哀四山雲霧晚初開不因王事兼程入安
得閒行向北來登陟未防安石興縱擒徒羨孔明才乞身
已擬全師日歸埽溪邊舊釣臺

回軍九連山道中短述

百里妖氛一戰清萬峯雷雨洗回兵未能干羽苗頑格深
愧壺漿父老迎莫倚謀攻爲上策還須內治是先聲功微
不願希侯賞但乞蠲輸絕橫征

邢 珣 字子用當塗人江西右參政章貢雜稿

府館

改歲收徭捷新春急泃征師行頻涉險農務未妨耕梅透
連朝冷人逢此日晴行當靖邊圉三省樂昇平

劉 玉 字咸栗萬安人刑部侍郎贈尚書諡端毅執齋
集二十卷

雨後餞韻令

餞客高堂夜正遙回風度雨下層霄乍翻窗葉侵人語忽
濺檐花入酒瓢玉峽漲添波渺渺金臺塵洗路迢迢此行
須稱爲霖意嶺北蒼生望已焦

玉繼孝 崑山人龍南知縣

用王文成韻頌新源江中丞龍塘葉大府

百里狼煙秋可哀青萍一拂笑顏開征蠻文叔今何讓平
泃陽明此復來報國幸叨分地檄請纓直羨運籌才漢家
麟閣千年蹟日月長懸上將臺

百載逋誅一掃清笑談尊俎不煩兵萬峯光彩旌旗合四
野歡歌士女迎山峒坐消狐兔穴江城應息鼓鞞聲當年
渤海猶難擬更與黎民緩二征

俞獻可 字九河信豐人陸涼知州

征寇凱旋

嘉靖間粵寇長驅至信邑大掠江東制府陸公徵

獻可佐參帥蔡水南討平之

天子宵衣未肯收中丞仗鉞到炎州
數莖綠鬢綠誰白總爲東南赤子憂

五嶺風煙鬱不開劃然雷雨一時回
觸骸血染吳鉤遍知是姚平殺賊來

大將旌旗映日紅旄頭夜落海天東
風傳鼓角邨邨靜雨潤桑麻處處同

湛若水

答謝贛州汪周潭督府

晨興縱遙睇雲起南山臺悠然生遠心
春風啓予懷井地

久荒蕪老屋風易摧王孫春草生佳人
猶未來情萌事自至神往形亦頽故人
遠念我寄聲相取裁舉手謝德意行
駕未可迴

蔡

羽

字九達吳縣人翰林孔目

送孫贛州

太守除書下鳳樓官船六月到江頭
匡廬樹色渾無暑章貢雲衙欲近秋
良牧正須宣德化封疆猶自伏邊籌
虔州見說田疇美從此黎民不佩牛

謝

榛

臨江人

送范中丞堯卿鎮贛州

九月虔州去天南宿霧開揚帆生遠思秉鉞見雄才地轉
三吳盡山連百粵迴夜深瞻北斗獨上鬱孤臺

巖

嵩

字介軒分宜人大學士鈐山堂集

贈陳虞山中丞之南嶺

清獻祠前秋水清鬱孤臺上暮風平江關粵嶠開新府
勅兵書借老成正以冰霜論節操須知魚鳥避威名
天南舊路君應識惟喜梅花管送迎

唐順之

字應德武進人僉都御史諡文襄

贈張贛州致仕還吳

田園舊在海東頭海上新歸張翰舟種菊不辭三徑晚採
蓴將及五湖秋人情歷盡惟看弈世事忘來獨好樓
膾有
著書心尚在知君原不爲窮愁

羅洪先

號念庵吉水人翰林修撰

夜與胡莊溪敘故有感

壯年遠道訪相思千里征鴻未可羈偶與舊遊談往事不
知今夕是何時境非昨夢醒來失詩向誰家醉處奇蓬鬢
蕭蕭吾已老只餘初服得心期

海

瑞

字汝賢瓊山人南吏部侍郎諡忠介備忘集

贈蕭珏

曾向石蓮覓靜機雲根結社自希夷鏗然不盡春風味

曲高山過子期

林大輅 閩人江西副使

曉入龍南

不寐將行李輜車生早寒曙風吹旅服清夜度雲巒天遠
繁星動沙平湛露乾客心無著處端欲謝南冠

蕭廩

過劉諫議故宅

諫議故居縣水邊雙忠一去幾經年斥奸霽簡朝鳴鳳憤
敵軍書夜聽鷓山水有祠風蕭蕭宅園無主草芊芊我來
惆悵斜陽裏幾處猿啼暮雨天

湯顯祖

字義仍臨川人遂昌知縣玉茗堂集

虔南津口得黃郡公扇頭明月篇卻謝

風物想南都波濤向東粵晨登鬱孤臺蒼茫度城闕舉帷
自遵渚幽芳坐林樾忽枉吏人來新編贈明月徘徊青桂
枝婉變銀蟾窟凌寒秋水晚入夜河影沒東升流清光南
溟照窮髮佳氣有迴合輕綃時髣髴感君卿月姿悠悠眷
清質紈扇豈終掩嬋娟恆自出還以海中珠來投漢川橘
章門送劉冲倩之虔臺

千秋駿骨重王孫碧馬談文四海論忽忽郡齋畱一笑雲
門春色在章門

送君南浦恨如何春草緜緜春綠波更說黃家兄弟好鬱
孤臺下夢常多

送黃九洛歸虔

遊子江南春草齊秣陵行色草萋萋臨流一道章門柳長
逐相思到水西

西山鸞鶴起晴煙南浦驚逢上瀨船怪得異香常入夢君

家九十九峯前

郭有章 字相奎泰和人兵部尚書青螺集

贈謝別駕

政成羨爾返初衣所志由來在義肥心事難將羊角負官

情遂與碧鷄違蕭巖古木元為友漢洞蟠龍自不飛卻笑

悠悠行路者梯山航海未曾歸

方 藻 南海人贛州府同知

冬日過安邑

落日蕭蕭馬步輕頻年烽火動南征林坳不辨舊時路山

鳥如知熟客名五嶺嶂高人跡少三冬雪冷鬢毛驚太平

干羽多文德何事書生把劍行

洪瞻祖 字貽孫仁和人南贛巡撫

贛署臥病

叢臂支離不自供竦身汗漫未相從暫拋符印鄉思切久

浥圖書瘴雨重地豈淮陽難臥理天連衡嶽易迴蹤官曹
真怪遲軍帖走筆三年萬事慵

傅朝佑

夜渡章江

長江飛渡佩青萍驚起蛟龍噴浪腥夜靜嚴寒風嘯木天
邊漁火燦疎星

楊廷麟

字伯祥清江人東閣大學士諡忠節

青塘口有感

野館臨春暮聞鶉獨可傷夏田多棘草寒谷老柔桑戎馬
何時息榕椿盡日長征夫夢未已轉戰滯他鄉

歐陽鉉

字子玉廬陵人野穫園集

重遊虔南

不到虔南十五秋依稀記憶古城樓欲尋舊地深青草為
問同人半白頭臺聳鬱孤文尙在巖含馬祖句猶留年光
倏忽如流水載酒憑誰續勝遊

刻感噴而木非既選並附韻並

以回人半白度臺若舞應支命奇道合想脈守離問平

不既對南于正好始新既潔古銀樹始存會世科青

重接復南

